

傷寒部  
婦人部

醫學綱目

自卅三  
至卅四

十八

醫學綱目卷之三十三

傷寒部

勞復門

陰陽易

仲景主於攻邪

大病瘥後勞復者枳實梔子豉湯主之

枳實

四枚

梔子

十四枚

豉

一兩

有食者大黃

右三味以清漿水二盞空煮退一盞內枳實梔子煮取八分下豉更煮五六沸去渣溫服覆令取微汗若有宿食內大黃量虛實加減

有熱者柴胡

傷寒瘥後更發熱者小柴胡湯主之脈浮者以汗解之沉實者以下解之

有水氣者滲之

大病瘥後從腰以下有水氣者牡蠣澤瀉散主之

牡蠣

熬

澤瀉

蜀漆

洗去腥

商陸

海藻

洗

括蔞根

葶藶

各等分

右為散水服方寸七小便利止後服日二

胃有寒者温之

大病瘥後喜睡久不了了者胃上有寒當以丸藥温之宜理中丸

氣逆欲吐者抑之

傷寒解後虛羸少氣氣逆欲吐者竹葉石膏湯主之

淡竹葉

二把石膏

半斤半夏

三兩人參

麥門冬

四兩甘草

炙嘔者加生姜

右咬咀每服五錢水一盞半入粳米百餘粒煮取八分

米熟湯成去查温服

診風家表解而不了了者十二日愈

勞復續法

後賢主於補虛

海大抵勞者動也動非一種有內外血氣之異焉若勞乎氣則無力與精神者法宜微舉之若勞乎血與筋骨者以四物之類補之若勞在脾內為中州調中可已此為有形病也但見外證則謂之復病非為勞也如再感風寒

虛當補其母

本記有人患傷寒得汗數日忽身熱自汗脈弦數心不得

勞當補其子

寧真勞復也予診之曰勞心之所致神之所舍未復其初而又勞傷其神榮衛失度當補其子益其脾解其勞庶幾得愈授以補脾湯佐以小柴胡湯解之或者難曰虛則補其母今補其子何也予曰子不知虛勞之異乎難經曰虛則補其母實則瀉其子此虛當補母人所共知也千金曰

心勞甚者補脾氣以益之脾王則感之於心矣此勞則當補子人所未聞也蓋母生我者也子繼我而助我者也方治其虛則補其生我者與錦囊所謂本骸得氣遺體受蔭同義方治其勞則補其助我者與荀子言未有子富而父貧同義此治虛與勞所以異也

補脾湯治傷寒得汗瘥後脾胃傷冷物胸膈不快尋常血氣不和

人參

白朮

甘草

橘皮去白

青皮去白

乾姜各等分

右為末每服三錢水一盞煎數沸熱服入鹽點亦得

海治勞復麥門冬湯氣欲絕者用之有效能起死回生

麥門冬兩

甘草二兩

粳米十合

右麥門冬去心為細末水二盞煎粳米令熟去米約湯

一小盞半入藥五錢七棗二枚去核新竹葉一十五片

同煎至一盞去查溫服不能服者綿滴口中又治小兒

不能灌藥者宜用此綿滴法 此方不用石膏以其三

焦無火熱也兼自欲死之人陽氣將絕者故不用石膏

若加人參大妙

外大病後不足病虛勞補虛取七歲已下五歲已上黃牛

乳一升水四升煎至一升如人饑稍稍飲不得多期十日

服不住佳

七 肘治篤病新起早勞食飲多致勞復欲死燒鱉甲服方寸

七

活雄鼠屎湯治勞復

梔子十四箇

雄鼠屎二十七枚兩頭尖者是

枳殼三枚炒

右為細末每服四錢水一盞半入葱白三寸香豉三十

粒同煎一盞分二服勿令病人知鼠屎

七味葱白湯治傷寒或因起動勞復或因吃食稍多皆成

此候若復甚者一如傷寒初有此證宜服此方

葱白連鬚

乾葛

新豉半合

生姜切一合

麥門冬心法

熟地三錢

流水四升以杓揚之

右七味用清水煎三分減二去查分二服漸漸服之取

汗

右傷寒勞復莫若仍用丹溪以參芪歸朮加發散之劑汗之為的當也

陰陽易

盜邪

傷寒陰陽易之為病其人身體重少氣少腹裏急或引陰中拘攣熱上衝胸頭重不欲舉眼中生花膝脛拘急者燒

裊散取婦人中裊近隱處剪燒灰以水和服方寸七日三服小便即利陰頭微腫則愈婦人病取男子裊襠燒灰用

嘗治傷寒病未平復犯房室死者命在須臾用獨參湯調燒裊散凡服參一二斤餘得愈者三四人信哉用藥不可執一也

陰陽易續法

寒熱

治熱者寒

治傷寒病新瘥陰陽未和因合房室則令人陰腫入腹絞痛婦人則裏急腰膝連腹內痛名為陰陽易也其男子病新瘥未平復而婦人與之交接得病名曰陽易婦人病新瘥未平復而男子與之交接得病名曰陰易若二男二女竝不自相易所以呼為易者以陰陽相感動其毒着於人如換易然其病之狀身熱衝胸頭重不能舉眼中生花四肢拘急小腹絞痛手足拳則死亦有不即死者病苦少腹裏急熱上衝胸頭重不欲舉百節解離經脈緩弱血氣虛骨髓竭便恍恍翕翕氣力轉小着床不能動搖起止仰人或牽引歲月方死宜燒裊散豶鼠糞湯竹茹湯青竹茹湯乾姜湯當歸白朮湯選用之海藏云熱者燒裊散竹皮湯至於按正方妙香丸條下治雜病陰陽易中有牛黃腦射之類是治其熱症也竹皮湯療交接勞復邪腫腹中絞痛欲絕竹皮青刮一升

用水三升煮取一升絞去渣分二服立愈  
青竹茹湯婦人病未平復因有所動致熱氣衝胸手足拘  
急搐搦如中風狀宜此湯

瓜蒌根兩 青竹茹刮半升

右以水二升煮取一升二合去渣分二三服

妙香丸方見積熱條

治

百一治交接勞復陰卵腫或縮入腹腹絞痛或便絕蚯蚓  
數條絞取汁服之良

海若陰陽易果得陰脈當隨症用之 若脈在厥陰當歸  
四逆湯送下燒視散 若脈在少陰通脈四逆湯送下燒  
視散 若脈在太陰四順理中丸送下燒視散所用之藥  
各隨其經而效自速也  
猴鼠糞湯療傷寒病後男子陰易

韭白根把一 猴鼠糞十四粒兩

右二味以水五升煮取半升去查再煎三沸溫服得效

未汗再服亦理諸般勞復

當歸白朮湯治婦人未平復因有所動小腹急痛腰膝四  
肢不任舉動無力發熱者

白朮 當歸 桂枝 附子生

甘草 芍藥 黃芪 人參各二錢半

生姜兩半

右咬咀水煎服食頃再服溫覆取微汗瘥

李良佐子病太陽症尺寸脈俱浮數按之無力余見其內  
陰虛與神朮加乾姜湯愈後再病余視之見神不舒垂頭  
不欲語疑其有房過問之犯房過乎必頭重目眩日唯與  
大建中三四服外陽內收脈反沉小始見陰候又與已寒

加芍藥茴香等九五六服三日內約服九六七百丸脈復  
生又用大建中接之大汗作而解  
山因女色病陰証傷寒者用陳皮熱鍋內炒焦以酒烹下  
瀝酒飲之

四時傷寒不同

冬為傷寒 春為溫病 夏為暑病 秋為瘧

一歲長幼病相似為溫疫 多眠多汗脈浮為風溫  
身盡痛為濕 身反張為瘧

四時傷寒

陰陽大論曰春氣溫和夏氣暑熱秋氣清涼冬氣冷冽此  
四時正氣之序也冬時嚴寒萬類深藏若能固密則不傷  
於寒觸冒之者乃名傷寒耳其傷於四時之氣皆能為病  
惟傷寒為毒者以其最為殺厲之氣也中而即病者為傷  
寒不即病者為寒毒藏於肌膚中至春變為溫病至夏

瘟疫

為暑病暑病者熱極重於溫也是以辛苦之人春夏多溫  
熱病皆由冬時觸寒所致非時行之氣也

凡時行者春時應暖而反大寒夏時應熱而反大涼秋時  
應涼而反大熱冬時應寒而反大溫此非其時而有其氣  
是以一歲之中長幼之病多相似者此則時行之氣也

從春分以後至秋分節前大有暴寒者皆為時行寒疫也  
三月四月或有暴寒其時陽氣尚弱為寒所折病熱猶輕  
五月六月陽氣已盛為寒所折病熱則重七月八月陽氣  
已衰為寒所折病熱亦微其病與溫病及暑病相似但治  
有殊者要在辨其病原寒熱溫三者之異則用藥冷熱之  
品味判然矣

其冬有非節之暖者名冬溫冬溫之毒與傷寒大異冬溫  
復有先後更相重沓亦有輕重治亦不同冬溫應常紀者有三歲少陰司

天之政五之氣陽明司天之政終之氣厥陰司天之政終  
之氣皆病冬溫其不應常紀而反常者則不可候之而隨  
時變也 氣候亦有應至而不至者或有未應至而至者或  
有至而太過者皆成病氣也

丹溪用

補中益

氣通治

四時傷

寒

海藏用

神木曰

木通治

濕症

濕

九四時傷寒通宜補散故丹溪治傷寒多用補中益氣湯

氣虛者四君子湯加發散劑血虛者四物湯加發散劑東

垣治風濕用補中益氣加羌活防風升麻藁本蒼朮海藏

治風濕無汗者用神木湯有汗者用白木湯治剛症用神

木湯加羌活麻黃治柔症用白木湯加桂心芫朮治風濕

用白木湯隨證加藥治中喝脈弦細乳遲者用黃芪湯此

皆與仲景所謂辛苦之人觸冒之病傷寒同意也

丹仲景論傷寒而未及乎中寒先哲治冒大寒昏中者用

附子理中湯其議藥則得之矣曰傷曰中未有議其異同

者夫傷寒有即病有不即病因其舊有鬱熱風寒外束肌

傷寒與  
中寒不  
同

腠自密鬱發為熱病邪循經而入以漸而深初用麻黃桂  
枝輩微表而安以病體不甚虛也若中寒則倉卒感受其  
病即發而暴因其腠理踈豁一身受邪難分經絡無熱可  
發溫補自解此氣大虛不急治則死矣

冬為傷寒

傷寒傷暑傷濕亦如傷寒之漸入也中風中暑中濕亦如

中寒之暴受也中寒治法見卒中暴厥門

春為溫病

傷寒 從霜降已後至春分已前凡有觸冒霜露體中寒即病者

謂之傷寒也 治法除濕暑瘧疾  
外皆傷寒法也

溫病 從立春節後其中無暴寒又不冰雪而人有壯熱為病者

此屬春時陽氣發於外冬時伏寒變為溫病 春溫應常紀  
者有四歲少

陽司天之政初之氣太陽司天之政初之氣陽明司天之  
政終之氣太陰司天之政二之氣皆病溫其不應常紀而

反常者不可候之  
而隨時變易也

冬傷於寒春必溫病全文見

太陽病發熱而渴不惡寒

者為溫病治見

陽脈洪數陰脈實大者遇溫熱變為溫毒論見大法治見

春發班咳

發汗不解身灼熱為風溫其證脈浮汗出身重多眠蓋其

病不獨見於春間故另立風溫門

尺膚熱甚脈盛躁者病溫也全文 夫精者身之本也故

藏於精者春不病溫

針灸

凡治溫病可刺五十九穴 成註云所謂五十九穴者刺

兩手內外側各三九十二痛五指間各一九八痛足亦如

之際一廉泉一風池二天柱二內經云氣口靜人迎躁者取

也人迎謂結 王太僕註素問五十九刺云刺頭上五行

五行者以越諸陽之熱逆也謂頭中行上星額會前頂百

五穴承光通天絡却王枕十穴第三行 大杼膺俞缺盆

背俞此八者以瀉胸中之熱也 氣街三里巨虛上下兼

此八者以瀉胃中之熱也 雲門髃骨委中髓空此八者

以瀉四肢之熱也 五臟俞傍五此十者以瀉五臟之熱

謂背第五行兩傍兪戶神

溫病續法

活夏至前發熱惡寒頭疼身體痛其脈浮緊者溫病也春

月傷寒調之溫病冬傷於寒輕者夏至已前發為溫病蓋

因春溫暖之氣而發也治溫病與冬月傷寒夏月熱病不

同蓋熱輕故也升麻解肌湯最良熱多者小柴胡湯主之

不渴外有微熱者小柴胡加桂枝嗽者小柴胡加五味子

仲景活人論溫病不同

煩躁發渴脈實大便秘澀者大柴胡湯微利之虛煩用竹葉湯次第服之

仲景調溫病壯熱不惡寒活人調溫病發熱惡寒各不同當以仲景為正

升麻解肌湯治傷寒溫病天行頭痛壯熱

葛根兩

黃芩

芍藥兩

甘草炙

桂心各一分

麻黃三分去節湯泡

右咬咀每服五錢水一盞半棗子一枚煮八分日三服

三四日不解脈浮者宜重服取汗脈沉實者宜下之

雲傷寒汗下不愈而過經其證尚在而不除者亦溫病也

經曰溫病之脈行在諸經不知何經之動隨其經所在而

取之如太陽症汗下後過經不愈診得尺寸俱浮者太

陽溫病也如身熱目疼汗下後過經不愈診得尺寸脈

汗下後過經不愈溫病亦為

俱長者陽明溫病也如胸脇痛汗下後過經不愈診得尺寸脈俱弦者少陽溫病也如腹滿噤乾診得尺寸脈俱沉細過經不愈者太陰溫病也如口燥舌乾而渴診得尺寸俱沉過經不愈者少陰溫病也如煩滿囊縮診得尺寸俱微緩過經不愈者厥陰溫病也是故隨其經而取之隨其症而治之如發斑乃溫毒也

夏為暑病

太陽中暍者發熱惡寒身重而頭痛其脈弦細訖遲小便

已洒洒然毛聳手足逆冷小有勞身即熱口開前板齒燥

若發汗則惡寒甚加溫針則發熱甚數下之則淋甚

太陽中熱暍者其人汗出惡寒身熱而渴白虎加人參湯

主之活人云夏月自汗惡寒身熱而渴面垢手足冷脈微無力者中暑也白虎湯主之

太陽中暍者身熱疼重而脈微弱此由夏月傷冷水水行

中暍忌汗下溫針

惡寒身熱而渴者白虎加人參身疼重者一物

瓜蒂

皮中所致也一物瓜蒂湯主之

一物瓜蒂湯用瓜蒂二七七箇以水一升煮取五合去查頓服

右瓜蒂湯後賢罕用蓋其劑緩故也若果疼痛不退者亦宜用之

暑病續法

暑病有三

活中暑與熱病外證相似但熱病者脈盛中暑者脈虛以此別之甲乙經云脈盛身寒得之傷寒脈虛身熱得之傷暑蓋寒傷形而不傷氣所以脈盛熱傷氣而不傷形所以脈虛 又有濕溫與中暑同但身涼不渴為異耳

丹暑熱病用黃連香薷飲挾痰者加半夏挾虛者加參芪或用清暑益氣湯

脈洪身熱惡寒

活夏月發熱惡寒頭疼身體肢節痛重其脈洪盛者熱病

熱病

也冬傷於寒因暑氣而發為熱病治熱病與傷寒同有汗

宜桂枝湯無汗宜麻黃湯加煩燥者宜大青龍湯然夏月

藥性須帶涼不可大溫桂枝麻黃大青龍須用加減夏至

前桂枝加黃芩半兩夏至後桂枝麻黃大青龍加知母一

兩石膏二兩或加升麻半兩蓋桂枝麻黃湯性熱及煖處

非西北之比夏月服之必有發黃班出之失熱病三日外

與前湯不瘥脈勢仍數邪氣猶在經絡未入臟腑者桂枝

石膏湯主之此方夏至後代桂枝證用若加麻黃半兩可

代麻黃青龍證用也若三夏至夏為晚發傷寒梔子升麻

湯亦可選用之

桂枝石膏湯治法見前論有汗脈緩為桂枝證無汗脈緊

為麻黃青龍證

桂枝半兩

石膏一兩

黃芩二兩

甘草一兩

二  
一  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

梔子錢  
白芍藥  
升麻  
乾葛

生姜已上各三分

右咬咀每服五錢半水一盞半煮至八分去查食頃再服若得汗即停後服

梔子升麻湯治晚發傷寒三日至夏為晚發

生地半斤切碎 梔子十箇 升麻一兩 柴胡

石膏各二兩半

右咬咀每服五錢水一盞半煎至八分頓服病不解更作

脈虛身熱惡寒為中暑

垣靜而得之為中暑中暑者陰證當發散也或避暑熱納涼於深堂大厦得之者曰中暑其病必頭痛惡寒身形俱急肢節疼痛而煩心肌膚大熱無汗為房室之陰寒所遏使周身陽氣不得伸越世多以大順散主之是也  
海藏云靜而傷

暑惡寒脈沉細靜而濕勝傷形者白虎加蒼朮湯主之大順散見局方甘草一錢半乾姜杏仁桃桂各一錢是也

動而得之為中熱中熱者陽證為熱傷原氣非形體受病也若行人或農夫於日中勞役得之者名曰中熱其病必

苦頭疼發躁熱惡熱捫之肌膚大熱必大渴引飲汗大泄無氣以動乃為天熱外傷肺氣蒼朮白虎湯主之海藏云動而傷

暑身熱脈洪大動而火勝傷氣者白虎加人參湯主之

活中暑背寒面垢手足微冷煩渴口燥倦怠四肢不痛重其脈微弱按之無力白虎湯主之方見發熱

本有人頭痛身熱心煩燥渴診其脈大而虛予授以白虎湯數服愈仲景云脈虛身熱得之傷暑又云其脈弦細芤

遲何也素問曰寒傷形熱傷氣蓋傷氣不傷形則氣消而脈虛弱所謂弦細芤遲者皆虛脈也仲景以弦為陰朱麗亦云中暑脈微弱則虛可知

海脈虛身熱自汗惡寒者中暑也白虎加桂湯主之方見瘧  
活酒蒸黃連丸治暑毒深伏累取不瘥無藥可治伏暑發  
渴者

黃連

四兩以無灰酒浸蒸乾

右為末糊丸熟水下三十九胸膈涼不渴為驗

橘皮湯治中暑痰逆惡寒

橘皮

二兩去白

生姜兩

棗子五枚去核

甘草炙半兩

人參

錢一

竹茹升半

右分五服每服水一盞二分煮取八分去查熱服

竹葉石膏湯治中暑不惡寒方見勞復

五苓散治中暑頭痛惡心煩躁心下不快方見渴

海若先飲冷後傷暑者五苓散主之此必心下痞懷生姜

湯調服佳或四君子湯調中亦可中和後或小便不利或

莖中痛宜服下方

蒲黃錢三

滑石錢五

生甘草錢一

中暍脈弦細乳遲黃芪湯主之

人參

黃芪

白朮

甘草

茯苓

芍藥各等分

右咬咀每服三錢水一大盞生姜三片煎至六分去查

溫服

丹徐三官六月間發熱大汗惡寒戰慄不自禁持且煩渴

予曰此暑病脈之皆虛微細弱而數其人好賭致勞而虛

遂以人參竹葉作湯調辰砂四苓散八貼而安

雲口開前板齒乾燥者牙乃骨之精今燥者骨熱也針藥

不能治當灸大椎穴

活濕溫者兩脛逆冷胸腹滿多汗頭痛妄言其人常傷於

針灸

輕冷腹滿頭痛

濕而無熱者濕

濕因而中暑濕熱相搏則發濕溫其脈陽濡而弱陰小而急治在太陽不可發汗汗出必不能言耳聾不知痛所在身青面色變名曰重暈如此死者醫殺之耳白虎加蒼朮湯主之

本癸丑年故人王彥龍作毗陵倉官夏時病胸項多汗兩足逆冷譫語醫者不曉雜進藥已經旬日予診之其脈關前濡關後數予曰當作濕溫治之蓋先受暑後受濕暑濕相搏是名濕溫先以白虎加人參湯次白虎加蒼朮湯頭痛漸退足漸溫汗漸止三日愈此名賊邪悞用藥有死之理有人難曰何名賊邪予曰難經云五邪有實邪虛邪正邪微邪賊邪從後來者為虛邪從前來者為實邪虛邪不勝來者為賊邪從所勝來者為微邪自病者為正邪又曰假令心病中暑為正邪中濕得之為賊邪今心先受暑

而濕邪勝之水尅火從所不勝斯謂之賊邪五邪之中最逆也難經曰濕溫之脈陽濡而弱陰小而急濡弱見於陽部濕氣搏暑也小急見於陰部暑氣蒸濕也故經曰暑濕相搏名曰濕溫是謂賊邪也不特此也予素有停飲之疾每至暑月兩足汗漿漿未嘗乾每服此藥二三盞即愈海濕溫汗少者白虎加蒼朮汗多者白虎加桂枝白虎加桂枝方見

孫保慶門外有酒家姓姜者善歌唱孫愛之忽數日不見使人問之則曰病久將命絕孫診之遍身皆潤兩足冷至膝下腹滿不省人事六脈皆小弱而急問其所服藥取而視之皆陰病藥也孫曰此非受病重藥能重病耳遂用五苓散白虎湯十餘貼病少甦再服全愈姜氏既安詣孫謝因請問曰某得病劇蒙尚藥一治而甦願聞治法孫曰汝

病傷暑也始則陽微厥而脈小無力衆醫調陰病遂用陰藥其病愈厥予用五苓散大利小便則腹減白虎解利邪熱則病愈凡陰病脛冷則臂亦冷汝今脛冷臂不冷則非下厥上行所以知是陽微厥也

保立夏之後至立秋處暑之間傷寒者身多微涼自汗四肢沉重謂之濕溫蒼朮石膏湯主之即白虎加蒼朮湯是也

蒼朮兩半

石膏二錢

知母二錢半

甘草一錢

右咬咀水一盞煎至一半溫服調內有濕也多不欲飲水如身熱脈洪無汗多渴者熱在上焦積於胃中宜桔梗散此非濕溫証乃熱病也

桔梗散

梔子各一錢

桔梗三錢

連翹二錢

薄荷

黃芩

甘草

右劉每服五錢水煮加竹葉如大便澀加大黃半兩

雜方

海消暑丹

半夏一斤

茯苓半斤

生甘草半斤

右以醋五升煮半夏盡醋熬乾姜汁作糊無見生水為丸每服五十九丸熱水咽下精意修治用之極效 中暑為患藥下即甦 傷暑發熱頭痛服之尤妙 夏月常服止渴利小便雖飲水多亦不為害應是暑藥皆不及此 若痰飲停節並用生姜湯下入夏之後不可缺此 又方消暑丸治頭疼惡心煩躁消渴霍亂

菴荳粉四兩

石膏四兩

白礬枯

硫黃各一兩

水浸鈺餅為丸彈子大辰砂為衣用姜汁醋點新汲水化開服之

丹暑風挾痰挾火實可用吐法

玉龍丸治一切暑毒伏暑腹脹疼痛神效

硫黃

硝石

滑石

明礬各一兩

用無根水調丸

秋為瘧

夏傷於暑秋必病瘧治法見瘧門

脈陰陽俱盛重於陰者變為溫瘧

一歲長幼疾狀相似為溫疫

非時之氣為溫疫

春應煖反寒夏應熱反涼秋應涼反熱冬應寒反溫此非其時而有其氣是以一歲之中長幼之病多相似者為時行瘟疫病也論見傷寒

瘟疫續法

活一歲之中病無長幼率相似此則時行之氣俗謂之天行是也老君神明散務成子螢火丸聖散子敗毒散不拘日數淺深吐下隨症施行所以聖散子不問陰陽表裏也老君神明散治瘟疫

白木錢一

桔梗分

細辛兩

附子一兩炮去黑皮

烏頭四兩炮去皮尖

右五味為粗末縫絹袋盛帶之居閭里皆無病若有疫癘者溫酒服方寸匕覆取汗得吐則瘥若經三四日抄三寸匕以水一碗煮令大沸分三服

聖散子蘇內翰序全文見活人書時毒流行用聖散子者一切不問陰陽之感連服取瘥不可與傷寒比也若疾疫之行平旦輒煮一釜不問老幼良賤各一大盞即時氣不入

草薺十筒切裹煨去皮

猪苓去皮

石菖蒲

茯苓

良姜

獨活去

附子炮製去

麻黃去根

厚朴去皮

藁本

芍藥

枳殼去穢

柴胡

澤瀉

細辛

防風去 白朮 藿香 半夏

吳茱萸湯 蒼朮 甘草各半

右咬咀每服五錢水一盞半煮取八分去查熱服餘查

再煎空心服之

右二方治疫雖不分陰陽然亦寒多表多者宜之

非時之熱者寒之 丹聚人病一般者是謂天行時疫有宜補宜散宜降方

大黃 黃芩 黃連 人參

桔梗 枳實 人中黃 滑石

香附 蒼朮

右麩糊為丸每服五七十九分氣血痰作湯使送下氣

虛者四君子湯送下血虛者四物湯送下痰多者二陳

湯送下熱甚者用童便和前藥同送下

本翼清臘月截淡竹去青皮浸麥取汁治天行熱狂熱

中毒并惡瘡毒取汁浸皂角甘蕉治天行熱疾

丹解一切災病用粉草五兩細切微炒量病人吃得多少

酒取無灰酒一處研去查溫服須臾大瀉毒亦隨出雖十

分渴亦不可飲水飲水難救

右三方熱多裏多者宜之

禦濕疫法 雄黃丸治疫不相染

雄黃研一兩 赤小豆炒 丹參 鬼箭羽略二

右為細末煉蜜為丸如桐子大每日空心以溫水下五

丸可與病同床共衣亦不相染矣

活務成子螢火丸主辟疫疾惡氣百鬼虎狼蛇虺蜂蠱諸

毒五兵白刃盜賊凶害皆辟之

螢火 鬼箭羽去 蒺藜各一 雄黃

雌黃各二 礬石一兩 羚羊角 鍛竈灰

鐵錘柄入銀處燒焦

右九味搗為散以雞子黃并雄雞冠一具和之如杏仁大作三角縫囊盛五丸帶左臂上仍可掛於戶上

春涼

春應煖而清氣折之則實邪在肝升麻解肌湯主之方見

夏應暑而寒氣折之則實邪在心調中湯射于湯半夏

夏寒

桂枝甘草湯選用之

調中湯治夏月初秋忽有暴寒折於盛熱結於四肢則壯

熱頭痛寒傷於胃則下利或血或水或赤壯熱暈悶脈數

宜下之

大黃去皮三分

黃芩

芍藥

葛根

桔梗

茯苓祛

藜蘆

擇真者無則川芎代之

白朮

甘草炙已上各半兩

右咬咀每服五錢水一盞半煮取一盞移時再服之得

快利便止小兒減與服虛冷不壯熱但下利或霍亂者不宜服此

射干湯方見

半夏桂枝甘草湯方見

秋熱

秋應涼而反大熱抑之則實邪在肺白虎加蒼朮湯茵陳

汁調五苓散白虎蒼朮湯見暑五苓散見渴

冬溫

丹冬溫為病非其時而有其氣者冬時嚴寒君子當閉藏

而反發泄於外專用補藥帶表藥

作人中黃方以竹筒兩頭留節一節中作一竅內甘草於

中仍以竹木釘塞其竅置大糞缸內浸一月取出晒乾用

治瘟毒用此藥一味入補藥帶表同煎服之

活冬應寒而反大溫抑之則實邪在腎宜萎蕤湯方見

診

多眠多汗脈浮為風溫

陽脈浮滑陰脈懦弱更遇於風變為風溫論見大法

發汗已身灼熱者名曰風溫風溫為病脈陰陽俱浮自汗

出身重多眠睡鼻息必齟語言難出若被下者小便不禁  
直視失溲若被火者微發黃色劇則如驚癇時痰痰若火  
薰之一逆而引日再逆促命期經云傷寒發汗已則身涼  
若發汗已身灼熱者非傷  
寒乃風  
溫也

風溫續法

活風溫者脈尺寸俱浮頭疼身熱常自汗出體重其自  
喘四肢不收嘿嘿但欲眠治在少陰厥陰不可發汗發即  
譫言獨語內煩躁不得臥若驚癇目亂無精如死死者醫  
殺之耳 風溫忌發汗宜萎蕤湯身灼熱者知母乾葛湯  
如渴甚者括蕤根湯脈沉身重汗出者漢防已湯

萎蕤湯治風溫兼療冬溫及春月中風傷寒發熱頭眩痛  
喉咽乾舌強胃內疼痛腰背強

葛根兩半 萎蕤三分 石膏一兩碎 白芷兩半

麻黃用沸湯羌活去芦川芎錢三甘草炙半

杏仁去皮尖雙青木香錢一

右咬咀每服五錢水一盞半煎半鍾日三四服

知母乾葛湯治風溫身體灼熱甚者

知母錢三 葛根錢八 石膏錢六 甘草

黃芩 木香 升麻各錢一 萎蕤錢三

南星生錢二 人參 川芎各錢一 麻黃去節

防風 杏仁 羌活各錢二

右咬咀每服五錢水一盞半煎至一鍾去查服

防已湯治風溫脈浮身重汗出一方無

防已錢四 甘草 黃芪各兩一 生姜兩二

白朮兩三 人參兩一

右咬咀每服五錢水一盞半煮取一中盞去查飲訖仍

坐被中汗出如虫行或被臥取汗出許學士云風濕誤汗用防已黃芪湯

之救

潮治風濕活人本方萎蕤湯以有麻黃不敢用宜白朮湯

海藏以白朮加減代萎蕤

主之方見前太陽病發熱續法若頭眩汗出筋惕肉瞤者加牡蠣

若腰背強硬者加羌活若舌乾發渴者加人參若身

灼熱甚者加知母若身體重多汗者加黃芪若內傷

冷者不加

一身盡痛為濕

濕病有

痛而發黃為中濕痛不得轉側為風濕活人又以身痛脈

沉為中濕脈浮為風濕亦通治法見太陽病體痛門

身反張為瘥

有汗為柔瘥無汗為剛瘥治法見柔瘥門

婦人傷寒 熱入血室 妊娠傷寒 產後傷寒

熱入血室

血熱

婦人中風發熱惡寒經水適來得之七八日熱除而脈遲

身涼胸脇下滿如結胸狀譫語者此為熱入血室也當刺

期門隨其實而瀉之東垣云長見妄聞夜夢亡人皆肝木火盛而為邪也刺期門與此義同

許學士云有婦人患熱入血室證醫者不識用補血調氣

藥延養數日遂成血結胸或勸用前藥予曰小柴胡已遲

不可行也無已則有一馬刺期門穴斯可矣予不能針請

善針者治之如言而愈或問曰熱入血室何謂而成結胸

也予曰邪氣傳入經絡與正氣相搏上下流行或遇經水

適來適斷邪氣乘虛而入血室血為邪迫上入肝經肝受

邪則譫語而見鬼復入膈中則血結於胸也何以言之婦

人平居水當養於木血當養於肝方未受孕則下行之以

為月水既姙則中畜之以養胎及已產則上壅之以為乳

血結胸者刺期門

蓋明了  
夜語話  
者小柴  
胡

皆此血也今邪氣畜血併歸肝經聚於臆中結於乳下故  
手觸之則痛非湯劑可及故當刺期門也

婦人傷寒發熱經水適來晝日明了夜則譫語如見鬼狀  
者此為熱入血室無犯胃氣及上二焦必自愈治人云小柴胡和之

○犯胃氣謂下之犯上二焦謂發汗也

術有一婦人濕病已十二日診之其脈六七至而濇寸稍  
大尺稍小發寒熱煩赤口乾不了了耳聾問之病數日經  
水乃行此屬少陽熱入血室也若治不對病則必死乃按  
其證與小柴胡湯服之二日又與小柴胡湯加桂乾姜一  
日寒熱遂止又云我臍下急痛又與抵當丸微利臍下痛  
痊身漸涼脈漸勻尚不了了仍復與小柴胡湯次日又云  
我但胸中熱燥口鼻乾又少與調胃承氣湯不得利次日  
又云心下痛又與大陷胸丸半服利三行次日虛煩不樂

預防熱  
入血室

時亦有所見時復狂言雖知其尚有燥屎以其極虛不敢  
攻之遂與竹葉湯去其煩熱其夜大便自通至曉兩次中  
有燥屎數枚而狂言虛煩盡解但咳嗽唾此肺虛也恐乘  
虛而成肺痿遂與小柴胡去人參大棗生姜加乾姜五味  
子湯一日咳減二日而病悉愈以上皆用張仲景方

婦人中風七八日續得寒熱發作有時經水適斷者此為  
熱入血室其血必結故如瘧狀發作有時小柴胡湯主之  
熱入血室續法

雲婦人傷寒中風治法與男子無異惟熱入血室妊娠傷  
寒則不同也宜以四物安養胎血佐以汗下之藥治之

婦人傷寒中風自汗頭痛項背強發熱惡寒脈浮而緩恐  
熱入血室故倍加芍藥桂枝加芍藥湯

桂枝半兩 赤芍半兩 生姜半兩 大棗六枚

右劉細每服五錢水煎

婦人傷寒脈浮而緊頭痛身熱惡寒無汗發汗後恐熱入血室宜麻黃加生地黄湯

麻黃二兩 桂枝一兩 甘草半兩 生地黄一兩

杏仁二十五箇 去皮尖

右咬咀每服五錢水煎

活婦人傷寒經脈方來初斷寒熱如瘧狂言見鬼宜用乾姜柴胡湯

姜柴胡湯

柴胡四兩 括蕪根 桂枝一兩 牡礪一兩

乾姜 甘草一兩

右咬咀每服五錢水一盞半煎至七分去查溫服初服

微煩再服汗出而愈

羅小柴胡加地黃湯治婦人室女傷寒發熱經水適來適

熱多者柴胡生

寒多者柴胡乾姜

地

斷晝日明了夜則譫語如見鬼神亦治產後惡露方來忽

柴胡一兩 人參 黃芩 甘草

半夏 生地黄

右為粗末生姜三片葱二枚同煎

雲婦人傷寒身熱脈長而弦屬陽明少陽往來寒熱夜躁

晝寧如見鬼狀經水適斷熱入血室不實滿者小柴胡加

牡丹皮主之大實滿者桃仁承氣主之

小柴胡加牡丹皮湯

柴胡二兩 黃芩七錢 人參 半夏六錢

大棗三枚 甘草 生姜七錢 牡丹皮二兩

右劉細每服一兩生姜同煎

桃仁承氣湯

實滿者桃仁承

不實滿者柴胡牡丹皮

氣壯胡  
加硝黃

婦人傷寒頭痛脈浮醫反下之邪氣乘虛而傳於裏經水閉而不行心下結硬口燥舌乾寒熱往來狂言如見鬼狀脈沉而數者當下之宜小柴胡加芒硝大黃湯主之

柴胡二兩

黃芩七錢

半夏一兩

甘草五錢

大黃

芒硝各七錢

大棗三枚

生姜七錢

右剉每服一兩生姜同煎去渣下芒硝再沸溫服若脈不沉數即不可下

喘急者  
先化痰  
後除熱

本辛亥中寓居毗陵學官王仲禮其妹病傷寒發寒熱遇夜則如鬼物所憑六七日忽昏塞涎响如引鋸牙關緊急瞑目不知人疾勢極危召予視之予曰得病之初曾值月經來否其家曰月經方來病作而經遂止一二日發寒熱晝雖靜夜則有鬼祟從昨日誕生不省人事予曰此熱入血室之證也仲景云婦人中風發熱惡寒經水適來晝則

明了夜則譫語如見鬼狀發作有時此名熱入血室醫者不曉以剛劑與之遂致胸膈不利涎潮上脘喘急息高昏冒不知人事當先化其痰後除其熱予急以一呷散投之兩時頃涎下得睡省人事次授以小柴胡加地黃湯三服而熱除不汗而自解矣

自汗身  
涼經斷  
者桂附  
紅花

雲婦人傷寒表虛自汗身涼四肢拘急脈沉而遲太陽標病少陽本病經水適斷桂枝加附紅花湯

桂枝二兩

芍藥

生姜各一兩

甘草一兩

附子炮

紅花各五錢

右剉細各每服一兩水三盞煎服

表除汗  
解經多  
者甘芍  
地芍

婦人傷寒太陽標病汗解表除邪熱內攻熱入血室經水過多無滿實者甘草芍藥湯

甘草

芍藥

生地

川芎各一兩

右咬咀每服一兩水三盞煎至一盞半去查入髮灰五錢調勻溫服不止者刺隱白

續增妊娠傷寒

潔黃芪解肌湯治婦人妊娠傷風自汗

人參

黃芪

當歸

川芎

甘草錢五

芍藥錢六

加蒼朮生地亦可

右為粗末每服五錢水煎溫服無時

海若妊娠傷寒中風表虛自汗頭痛項強身熱惡寒脈浮而弱太陽經病宜表虛六合湯

四物湯兩四

桂枝

地骨皮各七錢

若妊娠傷寒頭痛身熱無汗脈緊太陽經病宜表實六合湯

湯 四物湯兩四

麻黃

細辛各半兩

若妊娠傷寒中風濕之氣肢節煩疼脈浮而熱頭痛者太

陽標病也宜風濕六合湯

四物湯兩四

防風

蒼朮製各七錢

若妊娠傷寒下後過經不愈濕毒發班如綿紋宜升麻六合湯

合湯

四物湯兩四

升麻

連翹各七錢

若妊娠傷寒胸脇滿痛而脈弦少陽症也宜柴胡六合湯

四物湯兩四

柴胡

黃芩各七錢

若妊娠傷寒大便硬小便赤氣滿而脈沉數陽明太陽本

病也急下之宜大黃六合湯

四物湯兩四

大黃錢五

桃仁去皮尖十箇炒

若妊娠傷寒汗下後咳嗽不止者宜人參六合湯

四物湯兩四

人參錢五

五味子錢五

若妊娠傷寒後虛痞脹滿者陽明本虛也宜厚朴六合湯

四物湯兩四

厚朴

枳實炒各五錢

大注以參芪四物為君汗下之藥佐之

若妊娠傷寒汗下後不得眠者宜梔子六合湯

四物湯兩 梔子 黃芩各五錢

若妊娠傷寒大渴蒸蒸而煩脈長而大者宜石膏六合湯

四物湯兩 石膏 知母各五錢

若妊娠傷寒小便不利太陽本病宜茯苓六合湯

四物湯兩 茯苓 澤瀉各五錢

若妊娠傷寒太陽本病小便赤如血狀者宜琥珀六合湯

四物湯兩 琥珀 茯苓各五錢

若妊娠傷寒汗下後血漏不止胎氣損者宜膠艾六合湯

四物湯兩 阿膠 艾各五錢一方加甘草同

若妊娠傷寒四肢拘急身涼微汗腹中痛脈沉而遲少陰病也宜附子六合湯

四物湯兩 附子炮去皮臍 桂各五錢

若妊娠傷寒畜血證不宜墮胎藥下之宜四物大黃湯下

之 四物湯兩 生地 大黃酒浸各五錢

婦人妊娠或畜血抵當桃仁勿妄施要教子母俱無損大

黃四物對服之

安胎方

丹施孺人傷風未解兩足下脛冷嗽多不吐痰頭眩蓋其

性急又當臨月 黃芩半錢 陳皮 白朮各一錢 蘇梗三分

木通 枳殼炒各五分 麻黃三分 甘草炙二分

桔梗 蒼朮各半錢 水煎服無時

雲婦人有孕傷寒脈浮頭重腹中切痛宜桂枝芍藥當歸

湯

桂枝 芍藥 當歸各一兩

右剉細末服一兩水煎

婦人妊娠傷寒自利腹中痛食飲不下脈沉者太陰病也  
宜芍藥湯

芍藥

白朮

甘草

茯苓各一兩

右如前修服

活治妊娠傷寒安胎宜阿膠散

人參

白茯苓

阿膠炒

桑寄生

白朮各等分

右搗羅為細末糯米飲調下二錢日二服

治妊娠傷寒安胎宜白朮散

白朮

黃芩各等分新瓦上炒香

右為末每服三錢水一鍾生姜三片大棗一枚劈破同

煎至七分去渣溫服但覺頭疼發熱便可服二三服即

瘧惟四肢厥冷陰症見者未可服

治妊娠傷寒憎寒發熱當發其汗宜葱白湯

葱白十莖

生姜二兩切

右剉水二盞煎至一盞連服取汁

海葱白一物湯用葱白二把以水一升煮熟取汁令食盡

亦主安胎若胎死須臾即出

治婦人傷寒妊娠服藥例 若發熱惡寒不離桂枝芍藥

若往來寒熱不離柴胡前胡 若大渴者不離知母石

膏五味子麥門冬 若大便泄者不離桂附乾姜白朮

若大便燥結者不離大黃黃芩 若月經適來適斷者不

離小柴胡 若胎不安者不離人參阿膠白朮黃芩 若

發汗者不離葱豉生姜麻黃旋覆 若頭痛者不離石膏

山梔前胡 若傷暑頭痛者不離柴胡甘草石膏 若滿

雜方

悶者不離枳實陳皮 若胎氣不安者不離黃芩麥門冬  
人參 若斑發黑者不離黃芩梔子升麻

天治姙娠時氣身大熱令子不落護胎方

伏龍肝研令極細未調塗臍下三寸乾即易寢即止

又方 井中泥塗乾即易之 二方出本草 事有散

又方 浮萍 朴硝 蛤粉 藍根 大黃炒

右為末水調傅臍上安胎解熱極妙

治姙娠霍亂二方 附少陰 吐利

治姙娠發斑變為黑色宜梔子大青湯

黃芩 升麻 梔子仁各二兩 大青

杏仁各半兩

右咬咀每服五錢水一盞半細切葱白三寸煎至一盞

去查溫服

產後傷寒

表

產後中風數十日不解頭微痛惡寒時時有熱心下悶乾

嘔汗出雖多陽旦證耳可與陽旦湯 即桂枝湯方 見太陽病

產後中風發熱面赤喘而頭痛竹葉湯主之

竹葉把 葛根兩三 防風 桔梗

桂枝 人參 甘草各兩 附子一枚

右咬咀每服五錢棗一枚姜五片水一盞半煎一盞去

查服溫覆使汗出若頭項強用大附子半錢煎藥揚去

沫嘔者加半夏一錢

產後傷寒續法

產後傷寒宜補

丹產後發熱惡寒皆屬血氣虛左手脈不足補血右手脈

不足補氣 惡寒發熱又腹痛當去惡血 惡寒發熱乳

汁不通及膨者無子當消用麥芽二兩炒研細清湯作四

忌發表  
忌苦寒

腹痛者  
去活而

乳不通  
者宜壓  
熱下乳

服調下 有子當下用木通通草猪蹄汁調煎服

產後纔見身熱不可發表并一切苦寒藥必用乾姜治之

大發其熱輕則用茯苓淡滲其熱

大凡產後發熱頭痛身疼不可便作感冒治之此等多是

血虛或敗血作梗宜以平和之劑與服必效如玉露散或

四物加北柴胡等分煎服若便以小柴胡湯及竹葉石膏

之類竟不救者多矣

玉露散治產後乳脈不行身體壯熱疼痛頭目昏痛大便

滯滯悉治之涼膈壓熱下乳

人參

茯苓

甘草各半  
苦梗炒

川芎

白芷各一

當歸分

芍藥分

右咬咀每服五錢水一盞煎至七分溫服如煩熱甚大

便秘者加大黃二錢半

續增小兒傷寒

大法

潔傷寒表裏攻發 有表證惡風惡寒者當發表海藏云惡風者

白朮散惡寒者神木湯

如氣盛能食不大便無表證者可攻裏

春主溫屬木身溫當發汗海藏云神木湯

夏主長屬火身熱而

煩躁合大發散海藏云神木湯

長夏主化屬土及居四季

同當調其飲食海藏云四君子湯

秋主收屬金身涼內溫合微

下海藏云通膈丸金花丸

冬主藏屬水身熱而惡寒是熱在外而

寒在內身寒而惡熱是熱在內而寒在外海藏云熱在內者調中湯丸

潔凡傷寒宜依四時陰陽升降逆順剛柔而施治法氣升

浮則順發之氣收藏則下之 有汗發熱惡風脈浮緩者

風傷衛桂枝湯 無汗發熱惡寒不當風而自憎寒脈浮

緊者寒傷榮麻黃湯 有汗發熱惡風脈浮緊無汗發熱

惡寒脈浮緩謂之榮衛俱傷青龍桂枝麻黃各半湯 無汗發熱不惡風寒脈沉洪者可下之更詳認其脈與不脈量寒熱淺深而治之 有汗四肢厥脈沉微者名陰厥四逆湯 無汗四肢厥脈沉微者名陽厥大承氣湯加膩粉如四肢不厥身熱內外皆陽不動三焦宜涼藥三五服下之 黃芩甘草湯 黃芩白朮湯 黃芩蒼朮湯 黃芩梔子湯 連翹飲子 小柴胡湯 八正散 涼膈散 白虎湯 五黃散 此上中下三焦藥宜選用之 中暑脈虛皆惡寒自汗而渴者白虎湯身涼脈緊熱在內者急下之口燥咽乾不大便是也 無汗身大熱者可發汗升麻湯大青膏天麻膏 有汗身大熱者桂枝湯惺惺散解肌湯小柴胡湯白朮防風湯可選用之 發汗者量四時暄暑燥濕風寒各宜春涼夏寒秋溫冬熱而發之

表証

錢傷風貪睡口中氣熱呵欠煩悶當發散與大青膏表証也素古補遺云小兒外感於風寒拘急呵欠煩悶皮毛滋口中氣熱者當發散秋冬用溫熱藥春夏用涼寒藥

大青膏

天麻錢一 白附子錢半 蝎尾去毒生半錢 硃砂研一字  
 青黛研一字 天竺黃研一字 麝香研一字 烏梢蛇肉酒浸

右同研細生蜜和成膏每服半皂子或一皂子大月中兒粳米大同牛黃膏薄荷水化一處服之五歲已上同甘露散服

雄黃膏治傷風溫壯熱引飲

雄黃小壹大研蘿蔔根水并醋一大盞煮盡 甘草末 川甜硝各三分  
 寒水石研細五分 腦子一字 硃砂分  
 右研勻煉蜜成膏薄荷湯化下半皂子大

右大青膏發散貪睡口氣熱呵欠煩悶表症者蓋為三歲已下小兒未能言者設也

活尋常風壅發熱鼻涕痰嗽煩渴惺惺散主之方見

海傷寒時氣風熱痰壅咳嗽及氣不和者四君子加細辛

瓜蒌桔梗各一分生姜薄荷煎或加防風川芎各一分內

有寒及遇天寒欲發散者則去瓜蒌加桔梗多虛汗夜啼

者加麥門冬傷風身熱頭痛氣促者四君子加川芎防

風等分細辛羌活減半同煎

活咽喉不利痰實咳嗽鼠粘子湯

雲人參羌活散治小兒寒邪及瘟氣時疫瘡疹頭痛體疼

壯熱多眠不語潮熱煩渴痰實咳嗽

羌活

獨活

柴胡

人參

芎藭

枳殼炒

甘草炙各二兩

前胡

桔梗

天麻酒浸

地骨皮各半兩

白茯苓去皮二兩

右為散每服二錢水一盞入薄荷少許同煎去查濕服不拘時候

七寶散治時氣頭昏體熱小兒同乳母服大人亦可

紫蘇葉

香附炒各三兩

陳皮

甘草炙

桔梗

白芷

川芎各一兩

右吹咀姜末煎服

海麻黃黃芩湯治小兒傷寒無汗頭痛身熱惡寒

麻黃

赤芍

黃芩半兩

甘草

桂枝各二錢半

右為粗末水煎服

升麻黃芩湯治傷風有汗頭疼發熱惡風

升麻

葛根

黃芩

芍藥各五錢半

甘草一錢

右咬咀每服二錢水煎溫服

右惺惺散等藥發散頭痛發熱惡風寒表證者蓋為三歲已上小兒能言者設也能言故頭疼惡風寒可問而知也前五方通治有汗無汗惡風惡寒第五方治無汗惡寒第六方治有汗惡風

裏証

錢與大青膏不解散有下證當下大黃丸主之大熱飲水

不止而善食者可微下餘不可下也此裏証也緊古補遺云大熱飲水能食不

大便用大黃丸作散子與服之如清便自調慎不可妄下恐外熱逐於內而變結胸危証多矣

大黃丸治風熱裏實口中氣熱大小便秘赤飲水不止有

下證者宜服之

川芎兩

黑牽牛半兩半生

大黃酒蒸

甘草二錢

半熟炒

大小便秘能食裏証

右為細末稀糊和丸麻子大二歲每服十九丸溫蜜水下乳後服以溏利為度未利加丸數

活頭額痛身體發熱大便黃赤腹中有熱四順散連翹飲

三黃丸主之四順飲連翹飲三黃丸並見痘門身體潮熱頭目昏痛心

神煩躁小便赤大便秘此熱劇也洗心散調胃承氣湯主

之洗心散見痘門

頭額身體溫熱大便白而酸臭者胃中有食積雙聖丸主

之方見食積門

潔如身表無大熱而小便不利是有濕熱結膀胱仍用勝

濕藥白木茯苓之類利小便則其熱自退

雲小兒傷寒煩熱小便赤澀大便褐色面赤熱者導赤散

錢傷風兼藏兼心則驚悸兼肺則悶亂喘息哽氣長出氣

嗽兼腎則畏明各隨補母藏虛見故也

大便白而酸臭為食積

小便不利宜利小便

傷風兼藏

兼脾則  
肢冷或  
利或脹  
或吐瀉

傷風手足冷脾藏怯也當先和脾後發散和脾益黃散發  
散大青膏主之此治陰厥有汗脈沉微者若陽厥無汗脈  
沉滑者不宜此法宜大承氣湯而加臍粉  
傷風自利脾藏虛怯也當補脾後發散補脾益黃散發  
大青膏主之未瘥調中丸主之有下証大黃丸下之後服  
溫驚丸

傷風腹脹脾藏虛也當補肺必不喘後發散仍補脾也去  
脹塌氣丸主之發散大青膏主之

兼心則  
驚悸

傷風吐瀉治見吐瀉門治吐瀉用益黃  
散白朮散發散用大青膏  
湯治夾驚傷寒熱極生風薄荷散

薄荷葉兩半 羌活 全蝎 麻黃去節

甘草分半 天竺黃 姜蚕 白附子炮各一分  
右為細末每服一錢水小半盞煎至三分加竹瀝少許  
妙

兼肺則  
喘嗽

雲小兒表傷寒則皮膚閉而為熱盛即生風欲為驚搐血  
氣未實不能勝邪故發搐也大小便依度口中氣熱當發  
之宜大青膏

肺盛復有風冷則胸滿短氣氣急喘嗽上氣當先散肺後  
發散風冷散肺瀉白散散風大青膏主之若止傷寒則不  
胸滿

兼腎則  
畏明  
渴分虛  
實

腎虛則畏明宜補腎地黄丸有表者間用大  
青膏發散之  
傷風下後虛熱以藥下之太過胃中虛熱飲水無力當生  
胃中津液多服白朮散 小兒結熱於內口乾而渴身黃  
體重者宜白朮散

湯傷寒發渴宜白虎湯

潔大熱飲水能食不大便用大黃丸作散服之  
右三方白朮散治虛渴為下後而食少胃虛者設也白

嗽分虛實

虎湯大黃丸治實渴為未經下而能食不大便者設也

潔傷寒咳嗽吐清水哽氣長出氣是肺之不足也合用阿

膠散面白如枯骨者死不治 身熱咳嗽吐痰者當用福

銀九方見咳

右二方治咳嗽阿膠散治虛嗽為哽氣長出氣者設也

福銀丸治實嗽為痰盛喘滿者設也若有表証惡風寒

而嗽者當用惺惺散加減四君子湯鼠粘子湯之類是

也

陰厥陽厥見大法條

厥分陰陽吐分表裏

潔身大熱吐逆不止者茯苓半夏湯即小半夏加茯苓湯方見嘔門

湯傷寒嘔者枳殼半夏湯

枳殼半夏各半

右水一碗姜十片煎至小半碗十歲已下作五服

藿香正氣散治傷寒發嘔

藿香葉

厚朴製

半夏製

甘草炙

陳皮

蒼木米泔浸拘各等分

右咬咀每服二錢水半盞姜三片枣二枚煎至二分去

查溫服

潔大吐者當下之白餅子珍珠丸消積丸三方俱見癖門 潮熱

有時胸滿短氣嘔吐者桃枝丸方見小兒積熱門

右七方治傷寒嘔吐前二方治痰飲而吐中一方治有

表而吐後四方治有裏而吐其桃枝丸治裏熱而吐餘

二方治表寒而吐也

自汗為湯傷寒

自汗當補虛和陰陽小建中湯減桂加黃芪人參

地黃

黃芪兩一

白芍兩三

甘草

人參

熟地各半

右咬咀每二錢水半盞煎至三分去查服

診

小兒傷寒形症 頭痛 體痛 鼻塞或流涕 喉內喘

息 兩手脈洪數 頰赤眼澁 身上寒毛起 口鼻出

水 眼赤黃 口乾澁 咳嗽 山根青色 噴嚏

活頭目疼痛而畏人惡寒者此傷寒證也

雲設令小兒卒暴身壯熱惡寒四肢冷或耳尻冷鼻氣熱

為班疹也與傷寒表証相似此胎氣始發自內之外若與

傷寒表證同治者悞也當作班疹治之

温病者春日之温病而不一也

温

田春日温病 未滿三日先用惺惺散二服後四五日不

解煩渴嘔用白朮散如自汗口燥用製白虎湯至六七日

大便燥結用四順飲子下心腹大實大滿牛黃通膈丸下

初覺之時疑是瘡疹只用葛根升麻湯解肌

和入兩傷寒拾遺而和 和解因時法 温中法

灰包熨法

治中風自汗用桂枝湯治傷寒無汗用麻黃湯此仲景表

散之法百世不易者也若元氣暴虧者以參芪與桂枝麻

黃等藥表散此丹溪補仲景之法亦百世不易者也至於

韓祗和戒桂枝而以中風傷寒通作一法治之者此當時

之權變非百世之常行也王海藏云仲景用桂枝當漢之

末也韓祗和戒桂枝當宋之隆也時世之異不可不知今

編祗和之法於篇末以廣後學之見云

韓氏和解因時法

傷寒病有可汗者論中但統言其可汗症及可汗脈或云

脈浮而數或云脈浮緊或云脈浮無汗而喘或云脈浮為

寸脈定發表隨氣候立方

祗和改用仲景法因時世

十關力  
齊等未  
可發表

見傷寒  
脈未見  
傷寒症  
宜和

在表今畧舉數條後人但憑其脈之大槩並不分脈浮有陰陽虛盛之理又不知有可汗不可汗之症誤投發表藥則多變成陽毒之患矣今舉病人有汗惡風無汗惡寒分二等及據立春已後立秋已前氣候輕重各立方治之庶學者易為開悟耳

病人二三月已前兩手脈浮數或緩或緊按之差軟寸關尺若力齊等其力不甚大不甚小者亦未可便投解表藥此是見裏證未見表脈也宜候寸脈力小如關尺即可投解表藥大抵治傷寒病見證不見脈未可投藥見脈未見證雖少投藥亦無害也凡治雜病以症為先脈為後治傷寒病以脈為先證為後

病人兩手脈浮數而緊名曰傷寒若關前寸脈力小關後尺脈力大雖不惡風不自汗出此乃陰氣已盛先見於脈也若不投藥和之後必惡風及自汗出若立春已後至清明已前宜調脈湯主之清明已後至芒種已前宜葛根柴胡湯主之芒種已後至立秋已前宜人參桔梗湯主之

調脈湯

葛根一兩

防風

前胡去苗三分

甘草炙半兩

右為粗末每服二錢水一盞生姜一塊如小指大劈破煎至七分去查溫服如寸脈依前力小加束三箇同煎

葛根柴胡湯

葛根一兩半

柴胡去苗一兩

芍藥

桔梗

甘草各三分

右咬咀每服二錢水一盞生姜二片煎至七分去查熱服如寸脈依前力小加葱白三寸同煎服

人參桔梗湯

人參

桔梗各三分

麻黃去節一兩

石膏兩

甘草各三分

見中風脈未見中風症亦宜和

右每服二錢水一盞荆芥五穗煎至七分去查熱服如寸脈依前力小加麻黃二分去節同煎服病人兩手脈浮數而緩名曰中風若寸脈力小尺脈力大雖不惡風不自汗此乃陰氣已盛先見於脈若不投藥和之後必惡風自汗出若立春已後清明已前宜薄荷湯主之清明已後芒種已前宜防風湯主之芒種已後至立秋已前宜香芎湯主之

薄荷湯

薄荷兩

葛根兩

人參二分

甘草炙半兩

防風去芦十兩

右咬咀每服三錢水一盞煎至七分去查熱服如三五服寸脈力尚小加薄荷二分同煎

防風湯

防風去芦一兩

桔梗三錢

甘草炙半兩

旋覆花兩半

厚朴三分

右咬咀每服三錢水二盞姜一塊同煎熱服如三五服寸脈力尚小加荆芥五七穗同煎

香芎湯

川芎一分

石膏兩

升麻兩

甘草炙半兩

厚朴製半兩

右咬咀每服二錢水二盞煎七分溫服如三五服後寸脈力尚小加細辛二分同煎

前二段文將中風傷寒各立法者何蓋謂病人始得病三日已前或因中風脈緩或因傷寒脈緊然脈雖先見而症猶未見尚可以藥解之故立方耳

病人兩手脈浮數或緊緩寸脈短反力小於關尺脈者此名陰盛陽虛也若自汗出惡風是邪氣在表陰氣有餘也素問云陰氣有餘為多汗身寒即可投消陰助陽表劑以治之若立春已後清明已前宜六物麻黃湯主之清明已

寸小於尺宜消陰助陽表藥

後芒種已前宜七物柴胡湯主之芒種已後立秋已前宜發表湯主之

六物麻黃湯

麻黃去節一兩

葛根七錢

人參錢五

甘草錢五

蒼朮七錢

右咬咀每服三錢水一盞束二枚煎七分熱服如三五

服後汗未止惡風者加荆芥三分三五服後不惡風猶

汗者加丁香皮半兩荆芥七錢

七物柴胡湯

柴胡二兩

蒼朮

荆芥

麻黃各一兩

甘草錢七

右咬咀每服三錢水一盞姜一塊束二枚同煎七分熱

服如三五服後汗未止惡風者入葱白三寸如三五服

後汗未止者加當歸一兩同煎

發表湯

麻黃去節一兩

蒼朮二兩

人參

當歸各半兩

甘草錢三

丁香皮錢三

右咬咀每服三錢水一盞入姜一塊束三枚同煎至七

分去查熱服如三五服汗未止猶惡風者加桂枝三分

如汗未止更加細辛半兩以汗止為度

寸大於尺宜消陽助陰表藥

病人脈浮數或繁或緩其脈上出魚際寸脈大於關尺者

此名陽盛陰虛也若發冒悶口燥咽乾者乃是邪氣在表

陽氣獨有餘也素問曰陽氣有餘為身熱無汗是也可投

消陽助陰藥以解表若立春已後至清明已前宜人參湯

主之清明已後至芒種已前宜前胡湯主之芒種已後至

立秋已前宜石膏湯主之

人參湯

人參兩半

芍藥錢三

石膏兩

柴胡

甘草錢三

右咬咀每服三錢水一盞姜一塊煎七分熱服如三五

後熱不解者入豉三十粒同煎服

前胡湯方缺宜尋祇和方補之傷寒便覽有前胡湯方用石膏一兩前胡半兩竹茹

黃芩知母山梔大青各三錢姜葱煎服疑卽是此

石膏湯

石膏三兩

芍藥一兩

升麻三分

黃芩三分

柴胡一兩

甘草三分

右咬咀每服三錢水一盞半豆一合煎八分熱服如三

五服後熱未解者加知母一兩又未解加大黃一兩

病人兩手脈浮數或緊或緩三部俱有力無汗惡風者此

是陰陽氣俱有餘素問曰陰陽有餘則無汗而寒是也可

用藥平之若立春已後至清明已前宜解肌湯主之清明

已後至芒種已前宜芍藥湯主之芒種已後至立秋已前

宜知母湯主之

解肌湯

石膏二兩

麻黃三分

甘草一分

尺寸俱有力宜平之

升麻各半兩

右咬咀每服三錢水一盞入豉半合煎至八分去查熱

服如三五服後猶惡風者加麻黃半兩石膏一兩

芍藥湯

甘草各半兩

芍藥一兩

石膏三兩

荆芥穗一兩

右咬咀每服三錢水一盞生姜一塊煎至七分去查熱

服如三五服後猶惡風者每服加生姜一塊同煎服

知母湯

知母

石膏

麻黃

升麻各一兩

甘草各半兩

右咬咀每服三錢水一盞入生姜一塊同煎至七分去

查溫服如三五服後猶惡風者加麻黃半兩升麻半兩

前三段文將中風傷寒一法治者因病人始得病後脈

症俱見若投解劑必不能愈故立前方同法治之

中風傷  
法作一  
法治

仲景云傷寒為病脈緩者名中風脈緊者名傷寒今分此  
二端何也始因冬寒毒之氣中人其內伏之陽沉潛于骨  
髓之內每至春夏發時或因外傷寒而引內邪出或因外  
傷風而引內邪出及乎內邪既出而為病一也古人云立  
此二端恐後人疑其緊脈與緩脈治別也若中風與傷寒  
脈異何故仲景無別法治之此乃後人不究仲景之心也  
病人始得病一二日至五六日尚有表脈及表症亦可依  
脈症投藥凡投解表及發表藥每一日可飲三服病症甚  
可至五服外不可頓服藥也如症未解次日依前再投如  
症依前未解可作熱粥投之粥內加葱白亦可如有汗出  
勿厚衣蓋覆恐汗出太過作亡陽症也

診

海藏云韓氏微旨可汗一篇有和解因時法言傷寒之脈  
頭小尾大傷風之脈頭大尾小李思訓保命新書亦分尺

寸與仲景同之非若前人總言尺寸脈俱浮而緊尺寸脈  
俱浮而緩緊則為傷寒無汗緩則為傷風自汗又有傷寒  
有汗者傷風無汗者脈亦互差與症不同前人已盡之矣  
惟韓李所言頭小尾大即為傷寒尾小頭大即為傷風人  
病間有脈症未顯于尺寸者故韓李述為和解因時法也  
又恐後人疑其不與前聖合遂於本方內又立加減法數  
條亦不越前人之意何其當哉蓋二公者當宋全盛之時  
故又戒麻黃桂枝不可輕用改用石膏升麻葛根柴胡之  
平劑當時則可非百代常行之道時世遷移之法也可汗  
一篇若隨湯液隨症應見自有定規雖明哲不可踰也  
又寸口脈小飲冷與霧露所傷同作中焦治今韓李云傷  
寒寸小者勿認與飲冷霧露同傷一體也飲冷霧露所傷  
寸口舉按全無是陰氣在胃不和陽氣不能升越也傷寒

寸口小者只於關部下至膀胱本部見之寸口雖小只是舉之微小沉得之有也非若飲冷舉按全無也若果寸口舉按全無即不可解表只宜溫中不可不知

韓氏溫中法

夫傷寒之說始自黃帝以開其端至於仲景方陳其條目自後膚淺之學莫知其數立言者只云病在表可發汗病在裏可下或云不可汗不可下未嘗有溫中之說仲景傷寒例云尺寸俱沉細太陰受病也尺寸俱沉少陰受病也尺寸俱微緩厥陰受病也又辨太陰症云太陰病脈浮可發汗宜桂枝湯又手足溫自利不渴者宜四逆湯又腹滿時痛桂枝加芍藥湯辨少陰證云少陰病始得之發熱脈沉者麻黃附子細辛湯又少陰病二三日麻黃附子甘草湯又少陰病手足寒身體痛骨節疼脈沉者附子湯又厥

陰症

陰病吐利手足逆冷煩躁欲死者吳茱萸湯又少陰病脈沉急溫之宜四逆湯今舉仲景論中數條最是三陰病之良法于今世用之尚有未盡證者愚常校之自至和初歲迄於今三十餘年不以歲之太過不及為則每至夏至已前有病傷寒人十中七八兩手脈俱沉細數多是胸膈滿悶或嘔逆或氣塞或腸鳴或腹痛與仲景三陰病說理同而證不同因茲不敢妄投仲景三陰藥方纔見脈沉及胸膈滿便投下藥下之往往不救常斟酌仲景理中丸與服之其病勢輕者胸中便快其病勢重者半日許滿悶依然或有病人脈沉細遲投仲景四逆湯溫之多藥力大熱後必發煩躁因校量此形證今別立方以治之藥多對證不可不傳焉

病人但兩手脈沉細數或有力或無力或關脈短及力小

胸膈塞滿氣短不能相接者便可隨服證投温中藥以治之  
病人兩手脈沉遲或緊皆是胃中寒也若寸脈短及力小於關尺者此陰盛陽虛也或胸膈滿悶腹中脹滿身體拘急手足逆冷急宜温之  
若立春已後至清明已前宜温中湯主之清明已後芒種已前宜陳皮湯主之芒種已後至立秋以前宜七物理中丸主之

温中湯

丁皮兩一

乾姜炮

白木

陳皮

丁香各二錢

厚朴制一兩

右為細末每服二錢水一盞葱白三寸荆芥五穗煎至七分去查熱服如未快手足尚逆嘔吐者加丁香乾姜各二錢

陳皮湯

陳皮兩一

藿香錢三

白木

葛根各二錢

厚朴製一兩

右為末每服二錢水一盞姜一塊同煎至七分去查熱服如三服未快手足尚逆嘔吐不定者加半夏丁香桂枝各半兩每服加葱白三寸煎服

七物理中丸

白木錢五

乾姜半錢

人參七錢

桔梗錢七

乾葛七錢

藿香葉錢五

甘草錢二

右為細末煉蜜為丸如彈子大每服一九水一盞煎八分和查熱服如三服未快手足尚逆嘔者加半夏生薑各半兩

病人兩手脈沉細無力雖三部脈力停等亦是陰氣盛也更不須候寸脈短治之或胃脇滿悶身體拘急疼痛手足逆冷速宜温中藥和之  
若立春已後至清明已前宜厚朴丸主之清明已後至芒種已前宜白木湯主之芒種已

後至立秋已前宜橘皮湯主之

厚朴丸

當歸兩半

丁香兩半

厚朴製一兩

細辛二錢半

人參七錢半

甘草半兩

乾姜半兩

右為末煉蜜為丸彈子大每服一九煎至六分和查熱服三服後脈尚細及寸脈尚細無力者每服加葱白三寸同煎服

白木湯

白木

半夏

當歸

厚朴製

乾姜炮各半兩

丁香七錢

右為末每服三錢水一盞姜一大片煎至七分去查熱服三五服後脈未有力寸脈尚小者加細辛半兩每服加葱白三寸同煎服

橘皮湯

橘皮兩半

藿香

葛根各三錢

半夏

厚朴製各半兩

右為末每服三錢水一盞生姜如棗大同煎至七分去查熱服三五服後脈尚小手足逆冷者加細辛半兩病人胸膈滿悶時時嘔逆肢節痛兩脇下痛腹中鳴此是停飲宜二苓湯

赤茯苓

木猪苓

白木各半兩

滑石一兩

通草

白苳菴各二錢半

丁香皮七錢半

陳皮半兩

桂枝錢五

右為末每服三錢水一盞煎至七分去查熱服小便未快加瞿麥七錢半嘔未止加半夏半兩浙惡寒甚每服加葱白三寸

灰包煎法

病人服前藥胸膈不滿悶者此上焦有陽也或藥力太過上焦有熱腹滿虛鳴時時疼痛此是被陽藥消逐得上焦

陰氣并入下焦也雖是下焦積寒冷奈上焦陽盛更難用  
溫下焦藥也當用灰包熨之其法用稻草灰或桑柴灰二  
三升許入好醋拌和乾濕得所鉢內炒令灰熱以帛包裹  
置臍下熨之頻先炒灰包常更換令常熱以腹不滿痛為  
度初熨時病人不受者勿聽但令亟熨之不住可也如灰  
包熨後得下利三兩行或小便二三升或微似有汗此是  
陰氣外出或下泄也勿疑之病輕者乃得愈後出餘氣而  
解病人三部脈沉寸脈小於關尺此為陰盛溫中藥以  
消陰氣宜厚朴丸

厚朴丸

人參

白朮

厚朴

陳皮

藿香

當歸

細辛

神朮湯亦同治陰躁而渴不可悞用涼藥若熱藥冷服內  
有伏陽則可若脈已虛按之全無力或病人素無食養  
只可溫服

醫學綱目卷之三十四

婦人部

婦人治法通論

大法

婦人童幼天癸未行之間皆屬少陰天癸既行皆屬厥陰天癸既絕乃屬太陰經也治胎產之病從厥陰者是祖氣生化之原也厥陰與少陽相表裏故治法無犯胃氣及上三焦為三禁不可汗不可下不可利小便若發汗者同傷寒下早之症利大便則脈數而已動於脾利小便則內亡津液胃中枯燥制藥之法能不犯此三禁則榮衛自和而寒熱止矣外則和於榮衛內則調於清便先將此法為初治次後詳而論之見症消息同壞症傷寒為之緩治或小便不利大便秘結或積熱於腸胃之間或已成痿或散血氣而為浮腫蓋產理多門故曰同傷寒壞症如發渴而用白虎氣弱而用黃芪血刺痛而用當歸腹痛而加芍藥

已上例症不犯三禁謂產後之久病也若產後暴病又不  
可拘也如產後熱入血室者用桃仁承氣抵當湯等藥胃  
堅燥者大承氣不可以泄藥言之產後世人多用烏金四  
物湯是不分四時之寒熱不分血氣之虛實盲然一槩用  
藥如此而愈加增劇是誤也大抵產病天行則增損柴胡  
雜症則加減四物又春夏從柴胡秋冬從四物藥性寒熱  
病症虛實不可不察也四物湯常宜服餌今立四時增損  
法于後

四物湯加減治婦人雜病四物湯見治虛實法

四物加減治雜病例

春倍川芎

一日春二日脈弦三四頭痛

夏倍芍藥

一日夏二日脈洪三日泄

秋倍地黃

一日秋二日脈澹三日血虛

冬倍當歸

一日冬二日脈流三日寒而不食

若臍下虛冷腹痛及腰脊間悶痛宜玄胡六合四物湯  
四兩玄胡苦練各一兩炒若小腹痛亦用玄胡六合

若氣滯經脈故月事頻併臍下多痛宜芍藥六合四物  
湯四兩芍藥一兩 若腹中刺痛惡物不下加當歸芍  
藥 若婦人血虛心痛腹痛不可忍者去地黃加乾  
姜名四神湯 若血崩者加生地黃蒲黃 若血虛虛  
冷崩中去血過多加膠艾 若赤白帶下宜香桂六合  
湯四物湯四兩桂枝香附各五錢 若以四物湯為末  
煉蜜丸如桐子大空心米飲下三四丸治高年婦人  
白帶良驗 若以四物湯四兩加甘草半兩蜜丸每兩  
分作八丸酒醋共半盞用溫湯化下名當歸煎去敗血  
生好血 若婦人血積者四物湯加廣茂京三稜桂心  
乾漆各一兩 若婦人筋骨肢節痛及頭痛脈弦憎寒  
如瘧宜治風六合四物湯四兩羌活防風各一兩 若  
婦人或因傷酒或因產亡血或虛勞五心煩熱者宜四

物二連湯四物湯四兩生地黃生黃連胡黃連各一兩  
若婦人骨蒸加地骨皮牡丹皮 若婦人傷寒汗下  
後飲食減少虛者宜八物湯四物湯四兩黃芪甘草茯  
苓白朮各一兩  
凡婦人百病只四物湯加吳茱萸煎若陽藏少使茱萸  
陰藏多使茱萸無不效者  
右加減雜病例

四物加  
減治胎  
前例

若保胎氣令人有子四物與硝砂四君子湯各半名八珍  
湯 若妊娠胎動不安下血不止者加艾十葉阿膠五錢  
葱白黃芪 四物湯加減治妊娠傷寒名六合湯方一十  
五道 方見傷  
寒部 四物湯加減調經方七道 見調  
經部  
右加減治胎前病例  
若產後一月內惡物積滯敗血作病或脹或痛胸膈脹悶

四物加  
減治產

後例

或發寒熱四肢疼痛加延胡索沒藥香白芷與四物等  
為細末淡醋湯或童便調下 若血風於產後乘虛發作  
或產後傷風頭痛發熱百節疼痛加荆芥穗天麻香附石  
膏藿香各二錢半四物料共一兩中加之水煎服  
若產後虛勞日久而脉浮疾宜柴胡四物湯

川芎

熟地

當歸

芍藥

加柴胡

人參

黃芩

甘草

半夏

錢各三

右咬咀水煎服

若產婦諸症各隨六經以四物與仲景藥各半服之其效  
如神

去血用  
芎歸

芎歸湯治一切去血過多眩暈悶絕傷胎去血產後崩  
中去血拔牙去血金瘡去血不止者舉頭欲倒悉能治之

當歸

川芎各等分

右每服五錢水煎服不拘時 若產後眩暈加芍藥  
產後腹痛不可忍加宮桂童便酒浸 娠子死或不  
死胎動酒水合煎即下未死者即安 若虛損腹痛少  
氣頭眩自汗每服加羊肉一兩生姜十片水煎 若臨  
月服之則縮胎易生 若室女婦人心腹疼痛經水不  
調水煎服 若娠胎氣不安產後諸疾酒煎服 若  
難生倒橫子死腹中先用黑豈一大合炒熱與小便合  
煎服 若難產用百草霜香白芷等分童便好醋各一  
沸湯浸服甚者再服即分晚矣 若傷藏毒每服加槐  
花末五分三日取下血塊即愈若吐血亦服此 若血  
氣上喘下腫空心煎艾湯調下 若產後惡血注心迷  
悶喘急腹痛依前用黑豈加生姜自然汁煎服 若產  
後頭痛加荆芥 若崩中漏下失血不止加炒香附每

兩入甘草一錢沸湯點服 若有白帶者加芍藥半兩  
乾姜等分米飲調下

虛勞用  
六合

聚寶丹

諸六合治婦人常病及產後常用之藥 治婦人虛勞  
局方中謂首尾六合如大聖散熟地黃丸是治無熱虛勞  
也中道藥牡丹煎丸空心食前人參荆芥散臨臥食後是  
治有熱虛勞也大聖散熟地黃丸人參荆芥散牡丹煎丸並見局方然亦當參考藥味用之  
婦人以血為主血屬陰易於虧欠若非善調攝者不能  
保全也神仙聚寶丹治血海虛寒虛熱盜汗理宜補養琥  
珀之燥麝香之散可以用乎面色痿黃肢體浮腫理宜導  
濕乳香沒藥固可治血可以用乎胎前產後虛實不同逐  
敗養新攻補難並積塊堅癥赤白漏崩宜於彼者必妨於  
此而欲一方通治可乎世人以其品貴名雅又喜其常服  
可以安神去邪令人有子殊不知久服者無不有禍自非

藏府能言醫者終不知覺及至變生他病何曾歸咎此丹  
予姪女形色俱實遲於得子久服此丹癰發於背症候甚  
危脉散大而瀉急以四物湯加減百餘貼而安

調經 經閉 血崩

大法

經水或紫或黑論 經水者陰血也陰必從陽故其色  
紅稟火色也血為氣之配氣熱則熱氣寒則寒氣升則升  
氣降則降氣凝則凝氣滯則滯氣清則清氣濁則濁往往  
見有成塊者氣之凝也將行而痛者氣之滯也來後作痛  
者氣血俱虛也色淡者亦虛也而有水混之也錯經妄行  
者氣之亂也紫者氣之熱也黑者熱之甚也今人但見其  
紫者黑者作痛者成塊者率指為風冷而行溫熱之劑則  
禍不旋踵矣良由病原論月水諸病皆曰風冷乘之宜其  
相習而成俗也或曰黑北方水色也紫淡於黑非冷而何

予曰經曰亢則害承乃制熱甚者必兼水化所以熱則紫  
甚則黑也况婦人性執而見鄙嗜欲加倍藏府厥陽之火  
無日不起非熱而何若曰風冷必須外得設或有之蓋于  
百一二者也

經色紫  
黑為熱

四物湯加黃芩黃連湯治經水如黑荳汁

四物湯

黃芩

黃連

右為末醋糊丸服

月經黑口渴倦怠形短色黑脉不勻似數

黃栢

黃芩

甘草

赤芍藥

香附末

各半

右為末醋糊丸白湯下五六十九丸

永康胡八娘子二十歲二月經事不來忽行小腹痛有塊  
血紫色

白芍藥

白木

陳皮各半兩

黃芩

川芎

木通各二錢

甘草三錢

何孺人氣滯血澁脈不澹經不調或前或後紫色日苦兩  
大腿外臙麻木有時痒生瘡大便秘滯

麻子仁

桃仁

芍藥各二兩

枳殼

白木

婦頭

葳蕤仙

訶子肉

生地

陳皮各五錢

大黃煨七錢

各為末粥丸如桐子大白湯下五六十九丸

經色淡為虛

經水色淡者氣血俱虛也宜八物湯之類八物者四物

四君子也如兼它症隨症加藥

樓婦人年四十八因有白帶口渴月經多初血黑色後來

血淡倦怠食少臍上急

白木一錢

紅花許

陳皮一錢

木通

黃芩各五分

縮砂

甘草各三分

枳殼五分

白芍藥一錢

右煎湯下保和丸三十九抑青丸二十九

四物加黃芩白木湯治經水過多

經多為虛熱

四物湯兩

黃芩

白木各一兩

經水過多

黃芩炒

芍藥炒

龜板炙各一兩

黃栢炒三錢

香附二錢

椿樹根皮七錢

右為末酒糊丸空心白湯下五六十九丸

一婦人脉弦而大不數形肥初夏時倦怠月經來時多

此稟受弱氣不足攝血故行多

白木一錢

黃芪生

陳皮各一錢

人參五分

甘草三錢

經少為  
虛澁

四物加葵花湯治經水澁少

四物湯兩 葵花附一 一方又加紅花血見愁

四物湯加熟地黃當歸湯治經水少而色和

四物湯兩 熟地兩 當歸各一

脈師曰有一婦人來診言經水少不如前者何也師曰曾更下利若汗出小便利者可何以故師曰亡其津液故令經水反少設經下多於前者當所苦困當言恐大便難身無復汗也

將行時  
痛為滯

四物四兩加玄胡索苦練棋榔木香各一兩治經事將行臍腹絞痛臨經痛者血澁故也

抑氣丸臨經之時腹痛以四物湯加玄胡索陳皮牡丹皮甘草痛甚以豆淋酒痛少以童便煮香附入條芩為丸經水將來而痛者四物湯加桃仁香附黃連

周壁婦人四十餘月經不調行時腹疼行後又有三四日淋瀝皆穢水口渴面黃倦怠無力

白木兩 婦身尾錢六 陳皮錢七 黃連錢三

木通 黃芪生 黃芩各二 甘草一錢

分八貼下五靈脂九四十粒食前服

仁十三孺人月經不勻血紫色來作痛倦怠惡寒為人性急

青皮錢五 川芎 黃芩 牡丹皮

茯苓錢三 乾姜錢一 甘草五分

分二貼水煎服

一婦人二十歲月經不勻來時先呵欠腹隱疼血紫色食少無力

白木錢四 黃連 陳皮各二 牡丹皮錢二

木通

黃芩

人參

茱萸一錢

甘草五分

分四貼水二盞煎取小盞食前服

桂枝桃仁湯治經候前腹痛不可忍

桂枝

芍藥

生地各二兩

桃仁四十箇

甘草兩

右為齋末每服五錢水二盞姜三片棗一枚同煎去查

溫服

柴胡丁香湯治婦人年三十歲臨經預先臍腰痛甚則腹中亦痛經縮二三日

柴胡一錢

羌活一錢

丁香四分

全蝎一箇

當歸身一錢

生地一分

右都作一服水四盞煎至一盞去查稍熱食前服

一婦人三十歲每因浴後必用冷水淋通身又嘗大驚遂患經來時必先少腹大痛口吐涎水然後經行行後又吐水二日其痛直至六七日經水止時方住百藥不效予診其脉寸滑大而弦關尺皆弦大而急尺小於關關小於寸所謂前大後小也遂用香附三兩半夏二兩茯苓黃芩各一兩半枳實玄胡牡丹皮人參當歸白朮桃仁各一兩黃連七錢川練遠志甘草各半兩桂三錢茱萸一錢半分十五貼水煎入生姜汁兩蜆殼熱服後用熱湯洗浴得微汗乃已忌當風坐臥手足見水并喫生冷服三十貼全愈半年後又因驚憂前病復舉腰腹時痛小便淋痛心惕惕跳驚悸予意其表已解病獨在裏先與灸少衝勞宮崑崙三陰交止悸定痛次用桃仁承氣大下之下後用香附三兩蓬朮當歸身各一兩半三稜玄胡索桂大黃青皮俱醋制

經後痛  
為虛

青木香苗香滑石木通桃仁各一兩烏藥甘草縮砂檳榔  
苦練肉各半兩木香吳茱萸各二錢分作二十貼入新取  
牛膝濕者二錢生姜五片用荷葉湯煎服訖漸安  
經過後而作痛者乃虛中有熱所以作痛  
新荷姐頭痛口乾經行後身痛腰甚痛

生地

白木

芍藥

芩藟

婦身尾

絡五黃柏

甘草

水少酒煎服

經成塊  
為滯

治婦人月經壅滯每於心腹臍疝痛不可忍及治產後  
惡露不快血上搶心迷悶不省氣絕欲死者琥珀散

京三稜

蓬莪朮

赤芍藥

劉寄奴

牡丹皮

熟地

官桂

菊花

真蒲黃

當歸

右前五味用烏荳一升生姜半斤切片米醋四升同煮

荳爛為度焙乾入後五味同為末每服二錢温酒調下  
空心食前服一方不用菊花蒲黃用烏藥玄胡索亦佳  
予家之秘方也若是尋常血氣痛只一服產後血衝心  
二服便下常服尤佳予前後救人急切不少此藥亦宜  
多合以救人

疾並皆治之  
大交加散治榮衛不和月經湛濁逐散惡血腹痛經血諸

生姜

生地

白芍藥

當歸

桂心

紅花

沒藥

蒲黃

玄胡索

醋紙包煨熟用布  
擦去皮各一兩

右將地黃汁炒生姜滓姜汁炒地黃滓各焙乾用諸藥  
為細末每服三錢温酒調下 若月經不依常蘇木煎  
酒調下 若腰痛糖酒調下

瘀血

香附醋煮四兩 桃仁一兩 牡丹皮 大黃蒸  
當歸各一兩 川芎 紅花各半兩 瓦龍子煨醋

右炊餅為丸空心温酒下三四丸

交加地黃丸治婦人經不調血塊氣痞肚腹疼痛

生地 老姜各一斤 玄胡索 當歸

川芎 芍藥各二兩 明沒藥 木香各一兩

桃仁去皮尖 人參各兩 香附半斤

右為末先以生姜汁浸地黃查以地黃汁浸生姜查晒乾皆以汁盡為度共十一味作一處晒乾研為末醋糊為丸空心以姜湯下

天交加散治婦人榮衛不通經脈不調腹中撮痛氣多血

少結聚為癥產後中風

生地 生姜各五兩各研取汁

右交互取汁浸一夕各炒黃漬汁盡為度末之尋常腹痛酒調下三錢產後尤不可闕

益母草一名天麻未結子時採一檐以水五斗煮半乾

經不及期者為血熱

去查再熬成膏每用半小盞和酒并姜汁放開服之大治汚血及血經不調 經不及期者血熱四物湯加黃連 肥人不及日數而多痰者血虛有熱南星白朮蒼朮黃連

香附川芎作丸

婦人患經血紫黑一月兩次行不思食口乾苦時發熱

麥門冬 當歸身 白芍藥 陳皮  
白朮各一兩 人參 地黃 茯苓各半兩  
木通三錢 生甘草一錢

挾寒

右分十二貼食前熱飲下抑青與點各十五  
帶下經水不利小腹滿痛經一月再見者土瓜根散主  
之亦主陰癰腫疝

土瓜根

芍藥

桂枝

麝虫各三分

右四味杵為散酒服方寸七日三服

經過期者血少

經水過期血少川芎當歸人參白朮與痰藥 過期淡  
色者痰多也二陳湯加芎歸 過期紫色有塊血熱也必  
作痛四物湯加香附黃連

三月一  
來為居  
經

師曰脉微血氣俱虛年少者亡血也乳子下利為可否  
者此為居經三月一來師曰寸口脉微而澁微則衛氣不  
足澁則血氣無餘衛不足其息短其形燥血不足其形逆  
榮衛俱虛言語謬誤跌陽脉浮而澁澁則衛氣虛虛則短  
氣咽燥而口苦胃氣澁則失液少陰脉微而遲微則無精

遲則陰中寒澁則血不來此為居經三月一來 問曰婦

人妊娠三月師脉之言此婦人非軀今月經當下其脉何

類何以別之師曰寸口脉衛浮而大榮反而弱浮大則氣

強反弱則少血孤陽獨呼陰不能吸二氣不停衛降榮竭

陰為積寒陽為聚熱陽盛不潤經絡不足陰虛陽往一作實

故令少血時發洒淅咽燥汗出或澁稠數多唾涎沫此令

重虛津液漏泄故知非軀畜煩滿血月稟一經三月一來

陰盛則瀉名曰居經謂右脈浮大左脈及弱也

四物加黃芩湯治經暴下

四物湯

黃芩

如腹痛加黃連一兩夏月不去黃芩

經水適來適斷或有往來寒熱者先服小柴胡湯以去其

寒熱後以四物湯和之

婦人血脉不調往來寒熱狀如勞倦

經暴下為血熱

有寒熱宜和

當歸

川芎

甘草

黃芪

官桂

去粗皮各一兩熟地

白朮

白芍藥各二兩

柴胡

阿膠各半兩

不虛實調

右為細末每服五錢棗子一枚水煎空心溫服白湯點服亦得常服不生帶下調血脈養子宮終身無病  
升陽舉經湯治經水不調右尺脈按之空虛是氣血俱脫大寒症輕手其脈數疾舉指弦緊或澁皆陽脫之症陰火亦亡見熱症於口鼻眼或渴此皆陰躁陽欲去也當溫之降之引之燥之此法大升浮血氣補命門之下脫也諸藥言根近苗處去苗便是

柴胡根

當歸根

白朮

黃芪各三錢

葉本土法

羌活根

防風根各二錢

紅花

白芍藥各五錢

獨活根半錢

桃仁去皮尖研十箇細辛分六

川芎

熟地水中沉者

人參去

黑附子炮去

甘草稍多各錢

肉桂去皮夏不用秋冬用五分

右為釐末每服二錢水三盞煎至八分空心稍熱服

相陰陽乘

治婦人病多是月經乍多乍少或前或後時發疼痛醫者一類呼為經病不曾說是陰勝陽是陽勝陰所以服藥少效蓋陰氣乘陽則胞寒氣冷血不運行經所謂天寒地凍水凝成冰故令乍少而在月後若陽氣乘陰則血流散溢經所謂天暑地熱經水沸溢故令乍多而在月前當別其陰陽調其血氣使不相乘以平為期宜紫石英丸

紫石英研水飛

禹餘糧燒醋人參

龍骨

川烏頭炮

桂心

桑寄生

杜仲炒

五味子

遠志

澤瀉

當歸

石斛

肉蓯蓉酒浸

乾姜各二兩

川椒

牡礪煨

耳草各半

右為末煉蜜丸如桐子大每服三十九至五十九空心食前服

經過期不止為熱有餘

**芩心丸**治婦人四十九歲已後天癸當住每月却行或過多不止用黃芩心枝條者二兩米泔浸七日炙乾又浸又炙如此七次為末醋丸如桐子大每服七十九空心温酒送下日進二服

**本**治婦人天癸已過期經脉不勻或三四月不行或一月再至腰腹疼痛素問云七損八益謂女子七數盡而經不依時者血有餘也不可止之但令得依時不腰痛為善宜此當歸散

當歸  
白朮兩半

川芎

白芍藥炒

黃芩炒各兩

右為細末每服二錢酒調下空心食前日三次服即去黃芩加桂枝一兩

**脉**問曰婦人年五十數一朝而清血二三日不止何以治之師曰此婦人前絕生經水不下今反清血此為居經不須治當自止經水下常五日止者五日愈

針灸

**心**月經不調

陰獨三分此穴大效須待經定為度在足四指間三吐

**東**又法內踝下白肉際青脉上灸隨年吐

**又**法中極 三陰交 腎俞 氣海

**心**經閉久忽大崩復又斷絕復又大行不調者 豐隆六

**血止** 石門五分 斷經

婦人五旬經斷後再行或多或少或瘀或紅並下腹中氣

滿如胎孕 天樞 中脘 氣海各五分 立愈

**甲**婦人漏下苦血閉不通逆氣脹血海主之 女子胞中

痛月水不以時休止天樞主之千金作腹脹腸鳴氣上衝胸小腹脹滿痛引陰中月水至則腰脊痛胞中瘕子門有寒引髓髀水道主之千金引髓髀作大小便不通

經閉

無腹痛痞嘔症為血枯

**血枯**經閉者四物湯加桃仁紅花 陰虛經脈久不通 小便短澀身疼者四物加蒼朮牛膝陳皮生甘草作湯又用蒼莎丸加蒼耳酒芍藥為丸就煎前藥吞下

右丹溪治血枯大法

中焦閉

**經閉**不行有三補前人之闕 婦人脾胃久虛形體羸弱氣血俱衰而致經水斷絕不行或病中消胃熱善食漸瘦津液不生夫經者血脈津液所化津液既絕為熱所燦肌肉漸瘦時見渴躁血海枯竭病名曰血枯經絕宜瀉胃之燥熱補益氣血經自行矣此症或經適行而有子子亦

下焦閉

不安為胎病者有矣此中焦胃熱結也

或心包脈洪數躁作時見大便秘澀小便雖清不利而經

水閉絕不行此乃血海乾枯宜調血脈除包絡中火邪而

經自行矣此下焦胞脈熱結也

上焦閉

或因勞心心火上行月事不來者胞脈閉也包脈者屬於心而絡於胞中今氣上迫肺心氣不得下通故月事不來

宜安心補血瀉火經自行矣此上焦心脈熱結也

裴澤之夫人病寒熱月事不至者數年又加喘嗽醫者率

以蛤蚧桂附投之曰不然夫人病陰為陽所搏溫劑太過

故無益反害投以涼劑涼血和血藥則行矣已而果然

**女子**月事不來者先瀉心火血自下也內經曰二陽之

病發心脾有不得隱曲故女子不月其傳為風消王註曰

大腸胃熱也心脾受之心主血心病則血不流脾主味脾

大法先降心火後補氣血

病則主味不化味不化則精不足故其病則不能隱曲脾土已虧則風邪勝而氣愈消也又經曰月事不來者胞脉閉也胞脉屬於心絡于胞中今氣上迫肺心氣不得下通故月事不來先服降心火之劑後服局方中五補丸後以衛生湯治脾養血也

**五補丸**補諸虛安五藏堅骨髓養精神

熟地

人參

牛膝酒浸去芦焙乾 白茯苓

地骨皮各等分

右為細末煉蜜丸如桐子大每服三五丸溫酒下空

心服

衛生湯

當歸

白芍藥各二兩 黃芪三兩

甘草一兩

右為末每服半兩水二盞前至一盞溫服空心如虛者

加人參一兩

右東垣潔古治血枯之法皆主於補血瀉火也補血者四物之類瀉火者東垣分上中下故火在中則善食消渴治以調胃承氣之類火在下則大小秘澀治以玉燭之類玉燭者四物與調胃承氣等分也火在上則得於勞心治以芩連及三和之類三和者四物涼膈當歸等分也潔古先服降心火之劑者蓋亦芩連三和玉燭之類後服五補衛生者亦補氣之劑也

**帝**曰有病胸脇支滿者妨於食病至則先聞腥臊臭出清液先唾血四肢清目眩時時前後血病名為何何以得之岐伯曰病名血枯此得之少年時有所大脫血若醉入房中氣竭肝傷故月事衰少不來也帝曰治之柰何岐伯曰以四烏鬪骨一蘆茹二味并合之丸以雀卵大如小豈

以五丸為後飯飲以鮑魚汁利腸中及傷肝也腹中論云烏  
鰾魚骨主血閉 王散惡血雀卵主血痿鮑魚主瘕血  
河間直明論方烏鰾骨 茹各等分雀卵不拘數和丸小  
豈大每服五丸至十九煎鮑魚  
湯下食後日三服 以美饈

右岐伯河間治血枯之法

下利經  
斷者利  
止自來

問曰婦人病下利而經水反斷者何也師曰但當止利  
經自當下勿恠所以利不止而血斷者但下利亡津液故  
經斷利止津液復經當自下 問口婦人病經水斷一二  
月而反經來今脉反微澁何也師曰此前月中若當下利  
故令妨經利止月經當自下此非軀也 婦人血下咽乾  
而不渴其經必斷此榮不足本自有微寒故不引飲渴而  
引飲者津液得通榮衛自和其經必復下 中  
有腹痛  
痞嘔為  
痰血老 婦人之病因虛積冷結氣為症經水斷絕至有歷年血  
寒積結胞門寒傷經絡凝堅在上嘔吐涎沫久成肺癰形

汚血

體損分在中盤結繞臍寒疝或兩脇疼痛與臟相連或結  
熱中病在關元脉數無瘡肌若魚鱗時着男子非止女身  
在下未多經候不勻令陰掣痛少腹惡寒或引腰脊下根  
氣衝氣衝急痛膝脛疼煩奄忽眩冒狀如厥癰或有憂慘  
悲傷多嗔此皆帶下非有鬼神久則羸瘦脉虛多寒三十  
六病千變萬端審脉陰陽虛實緊弦行其針藥治危得安  
其雖同病脈各異源子當辨記勿謂不然

附末枳殼末各半錢早調服

大萬病丸治經事不來繞臍痛

乾漆碎炒 牛膝去苗酒浸一

右為末以生地黄汁一升入二味藥末銀器內慢火熬  
可丸即丸如桐子大每服二丸空心米飲或温酒下

療月水不利臍下慙逆氣脹滿欲嘔不得睡慙件列切急也

當歸四錢 乾漆三錢 炒

右為末煉蜜丸如桐子大空心溫酒下十五丸

治月經壅滯臍腹疝痛 當歸 玄胡索

右為末每服三錢姜三片水一鍾半煎至七分去查

稍熱服

小腸移熱於大腸為伏瘕為沉全文見診病傳變○王註云血滯不利則月事沉滯

而不

有汚熱血

治婦人月水滯澁不快結成瘕塊筋脹大欲死用馬鞭

草根苗五斤挫細水五斗煎至一斗去查別以淨器盛熬

成膏食前溫酒調下半匙本草云馬鞭草辛涼破血瘕

羅血極膏治婦乾血氣以川大黃為末用醎醋熬成膏子

九如鷄頭大每服一九熱酒化開臨臥溫服大便利一二

行後紅脉自下是婦人之仙藥也加當歸頭

婦人經水不利抵當湯主之亦治男子膀胱滿急有瘀血者方見傷寒

右經一節方三首皆治汚血有熱而經閉前一方輕劑

後二方重劑也

有汚寒血

紅花當歸散治婦人經候不行或積瘀血腰腹疼痛及

室女月經不通 紅花 當歸尾 紫葳 牛膝

甘草 蘇木細剉各二兩 白芷半兩 赤芍藥八兩

劉寄奴五兩 桂心半兩

右為細末空心熱酒調三錢服之食前臨臥再服若久

血不行濃煎紅花酒下孕婦休服

牛膝散治婦人月水不利臍腹疝痛

牛膝兩 桂心 赤芍藥 桃仁

玄胡索 當歸 牡丹皮 川芎

木香 各七錢半

右每服方寸七為極細末温酒調下食前

温經湯若經道不通遠臍寒痛脉沉緊宜此及桂枝桃仁湯萬病丸

當歸 川芎 芍藥 桂心

牡丹皮 蓬莪朮 各半兩 人參 甘草

牛膝 各一兩

右咬咀每服五錢水一盞半去查温服

桂枝桃仁湯方 見調經

牡丹皮散治婦人月水不利臍腹疼痛

牡丹皮 大黃 炒各兩 赤芍藥 生地黃

桃仁 當歸 桂心 赤茯苓

白朮 各七錢半 石葦 去毛 木香 各半兩

右咬咀每服五錢水一盞半生姜三片煎至七分去查空心温服

治婦人室女月候不通疼痛或成血瘕通經丸

桂心 青皮 去白 大黃 炮 乾姜

川椒 川烏 蓬莪朮 乾漆

當歸 桃仁 各等分

右為末先將四錢用米醋熬成膏和餘六錢末成劑相

中杵丸如桐子大晒乾每服二十九丸用淡醋湯下加至

三十九丸温酒亦得空心食前服

右方六首皆治汚血有寒而經閉前四方輕劑後二方

重劑也

大治月水不通屢試有驗厚朴不以多少姜汁炙香細切

痞嘔寒熱者結痰在上

濃煎去查空心服不過三四劑形實氣盛者宜之

**積痰傷經不行夜則妄語**

瓜蒌子兩一 黃連兩半 吳茱萸兩十 桃仁箇五十

紅麴錢二 縮砂兩三 山查末

右生姜研炊餅為丸

軀脂滿經閉導痰湯加芫連不可服地黃如用姜汁炒導痰

湯即二陳加枳實黃連是也

楊村婦人年二十餘兩年經閉食少乏力

黃連兩二 白朮半一錢 陳皮 滑石各一錢

黃芩兩半 木通分三 桃仁箇十二 甘草些

右丹溪治痰結胸腹而經閉之法皆用輕劑導痰降火也

經云氣上迫肺則心氣不得下通故月事不來今用連朴

之類導痰降火使不上迫於肺故心氣下通而月事來也  
丹溪治一婦人久瘡食少經閉兩手無脉每日與三花神  
祐丸十餘粒津咽之月餘食進脉出又半月脉愈又一月  
經行亦此意也詳見久瘡予嘗體丹溪之意治陳氏婦二  
十餘歲形肥痞塞不食每日臥至未牌吃一盞薄粥吃粥  
後必吐水半碗仍復臥經不通三月矣前番曾暗通黑色  
脉之辰時寸關滑皆有力午後關滑寸不滑詢之因乘怒  
飲食而然遂以白朮一兩半厚朴黃連枳實各一兩半夏  
茯苓陳皮山查人參滑石各八錢縮砂香附桃仁各半兩  
紅花二錢分作十貼每日服一貼各入姜汁二蜆殼間三  
日以神祐丸神秘沉香丸微下之至十二日吐止食漸進  
四十日平復如故又汪氏婦五十餘形瘦赤痞不食吐水  
經不通以前藥方加參朮歸為君煎熟入竹瀝半盞姜汁

服之但不用神祐丸下亦平復若咳嗽寒熱而經閉者當於欬門溫痰條求之

**神**凡婦人月事不來用茶調散吐之次用玉燭散芎歸湯三和湯桂苓白朮散之類降心火益腎水開胃進食分陰陽利水道之藥也 一婦人月事不行寒熱往來口乾頰赤飲食少旦暮間咳一二聲諸醫皆用蠶虫水蛭乾漆礪砂芫青紅娘子沒藥血竭之類惟戴人不然曰古方雖有此法柰病人服之必臍腹發痛飲食不進乃命止藥飲食稍進內經曰二陽之病發心脾心受之則血不流故女子不月既心受積熱宜抑火升水流濕潤燥開胃誘食乃涌出痰一二升下泄水五六行濕水上下皆去血氣自然滯流月事不為水濕所隔自依期而至矣亦不用蠶虫水蛭之類有毒之藥如用之則月經總來小澀反閉他症生

矣凡精血不足宜補之以食大忌有毒之藥偏勝而致天闕多矣 一婦人年三十四歲經水不行寒熱往來面色痿黃唇焦頰赤時咳三二聲問其所服之藥黑神散烏金丸四物湯燒肝散驚甲散建中湯寧肺散針艾千百轉劇家人意倦不欲求治戴人憫之先涌痰五六升午前涌畢午後食進餘症悉除後三日復輕涌之又去痰一二升食益進不數日又下通經散瀉訖一二升後數日去死皮數重小者如麩片大者如葦膜不一月經水自行神氣大康矣

月事不來者胞脈閉也胞脈者屬心而絡於胞中今氣上迫肺心氣不得下通故月事不來也

全文見水腫胃病見診病息奔條

**室**女月水不來用雄鼠屎一兩燒存性為細末空心溫

酒調下一錢神效

雜方

海掌中金丸治婦人乾血氣

川山甲炮 甘草 苦丁香 川椒

苦葶藶 白附子 猪牙皂角 草烏頭各三錢

巴苳一錢全

右為細末生蔥絞汁和丸彈子大每用一九新綿包之內陰中一日即白二日即赤三日即血神效

婦人經水閉不利臟堅癖不止中有乾血下白物礬石丸主之

礬石三錢 杏仁一分

右二味末之煉蜜丸棗核大內臟中劇者再內之

針灸 經脈不通已有寒熱此穴大效三陰交三分立有效如

摘經脈不通心術 曲池 支溝 三里 三陰交此四

塞不通則瀉之如虛耗不行則補之

集月經斷絕 中極 三陰交 腎俞 合谷

東又法 四瀆在丹田傍一寸半

經脈不通變成癰症飲食如常腹漸大如蠱 氣海針用

通管去其瀉水惡物 陰交取法亦如上

月水不通奔泄氣上下引腰脊痛氣穴主之 女子不

下月水照海主之 婦人少腹堅痛月水不通帶脈主之

月水不利見血而有身則反敗及乳腫臨泣主之

脈師曰有一婦人將一女子年十五所來診言女子年十

四時經水自下今經反斷其婢言恐怖師曰若是夫人親

女必夫人年十四時亦以經水下所以斷此為避年勿懼

後當自下

腎脈微瀆為不月全文見虛實門

診

二陽之病發心脾有不得隱曲女子不月其傳為息奔者  
死不治全文見診

血崩

血崩兼心痛者見心痛門

大法

紫色成塊者血熱四物加黃連柴胡之類 氣虛血虛者皆於四物內加參芪 急則治其標白芷湯調百草霜甚者棕櫚灰後用四物加炒乾姜調理因勞者用人參帶升補藥因熱者用黃芩因寒者用炒乾姜

痰氣汚血宜行之

丹溪云涎鬱胸中清氣不升故經脈壅遏而降下非開涎不足以行氣非氣升則血不能歸隧道此論血泄之義甚明蓋開胸膈濁涎則清氣升清氣升則血歸隧道不崩矣故其症或腹滿如孕或臍腹疼痛或血結成瘕或血出則快止則悶或臍上動其治法宜開結痰行滯氣消汚血

開痰方

江氏婦三十五六歲墮胎後血不止食少中滿倦怠不起躁煩六脉沉大而數重取微弦予作怒氣傷肝感動胃氣遂於二陳湯加川芎白朮縮砂二十點而安

仲旋覆花湯治半產漏下脉弦而大

旋覆花三兩本草云主雷飲結氣

蔥十四莖

新絳少許

右三味以水三升煮取一升頓服之

治婦人崩中下血不止以衣中白魚鱗蚕等分為末以井花水服之日三服差

右三方開痰

羅備金散治婦人血崩不止

香附子四兩炒 當歸尾二錢 五靈脂一兩炒

右為細末每服五錢醋調空心服立效

本治下血不止或成五色崩漏方用香附子春去皮毛中

行氣方

斷之畧炒為末每服二錢用清米飲調下此方徐朝奉傳其內人有是疾徧服藥不效後服此方遂愈須久服為佳亦治產後腹痛大是婦人仙藥常服益血調氣

**大醋附丸**治崩漏帶下積聚癥瘕臍腹疔痛用香附子不以多少擦去毛用好醋煮出焙碾末醋煮糊為丸如桐子大每服三十九米飲送下無時婦人數墮胎者此藥尤妙一方用香附子白芷為丸

縮砂散治血崩用縮砂仁不以多少於新瓦上炒香為細末米飲調下三錢

右四方行滯氣

**世**治血崩用乾荷葉濃煎湯一碗空心服之立愈或調醋炒香附末尤妙

**雲**治血崩不止五靈脂二錢炒熱加當歸酒同煎或水

消汚血方

童便各半盞同煎服一方五靈脂半生半熟為末酒調服

一方水煎五靈脂半乾去渣澄清再煎成膏入神麩末為丸如桐子大空心溫酒下二三十丸便止

又方 麻茸附各二錢 當歸各二錢 蒲黃半兩炒 右三味為末溫酒調下五錢七日三服

**仲**桂枝茯苓丸治婦人有癥在臍上動下血不止方見胎動下血 右四方消汚血

脾胃虛者補之

**恒**當歸芍藥湯治婦人經脈漏下不止其色鮮紅時值七月處暑之間先因勞役脾胃虛弱氣短逆自汗不止身熱悶亂惡見飲食亦不思食沉困懶倦四肢無力大便時瀉後復因心氣不足其經脈再下不止惟覺氣下脫其元氣逆上全無惟覺心腹中氣不行氣短則不能言是無力以言非懶語也此藥主之

黃芪半錢 白木 蒼木去皮 當歸身

白芍藥各五錢 甘草炙 生地各三分 柴胡二分

熟地黄 陳皮去白各五分

右十味為愈末作二味水煎去查熱服空心一服之後漸減次日諸症悉去頓喜飲食所以者何蓋氣通而聞飲食之香得平康故也

**仲**婦人陷經漏下黑不解膠姜湯主之即芎歸膠艾湯

芎藭 阿膠 甘草各二兩 艾葉

當歸各三兩 芍藥四兩 熟地黄

右七味以水五升清酒三升合煮取三升去查內膠令

消盡溫服一升日三服不瘥更作治婦胞動無乾姜

**海**四物膠艾湯方見婦人門大法條

**垣**益胃升陽湯治血脫益氣古人之法也先補胃氣以助

生長故曰陽生陰長諸甘藥為之先務舉世皆以為補氣殊不知甘能生血此陽生陰長之理也故先理胃氣入之一身內穀為寶

黃芪二錢 人參有嗽者去之 神麴炒各一錢半 升麻

柴胡各五分 白木三錢 當歸身酒浸 甘草炙

陳皮各一錢 生黃芩二錢瀉盛暑之伏金肺逆秋涼不用 一方用生地

右倉末每服三錢或五錢如食添再加之如食減已定

而三錢內更減之不可多服每服二錢水煎去查熱服如

腹痛每服加白芍藥二分中桂少許如渴口乾加乾葛

二分如嗽去人參服不計時候蓋先服此益胃氣升陽

調經湯大舉

兼隨者升舉之

宣德候經歷家人病崩漏醫莫能效切脉之後且以紙疏其症至四十餘種為制調經升陽除濕湯療之明日而十

臧其入前後五六日良愈

調經升陽除濕湯治女子漏下惡血月事不調或暴崩不止多下水漿之物皆由飲食不節或勞傷形體或素有心氣不足因飲酒勞倦致令心火乘脾其人必怠惰嗜臥四肢不收困倦乏力無氣以動氣短上氣逆急上衝其脉緩而弦急按之洪大皆中指下得之脾土受邪也脾主滋榮周身者也心主血血主脉二者受邪病皆在脉脉者血之府也人者脉之神也心不主令胞絡代之故曰心之脉主属心心系者胞絡命門之脉也王月事生孕皆由脾胃虛而心包乘之故漏下血水不調也况脾胃為陰陽之根蒂當除濕去熱益風氣上伸以勝其濕又云火鬱則發之

柴胡

防風

甘草

藁本

升麻各一錢

羌活

蒼朮

黃芪各一錢半

獨活五分

當歸酒浸五分

蔓荊子七分

右咬咀水五大盞煎至一大盞去查稍熱服空心服藥畢待少時以早餅壓之可一服而已如灸足太陰脾經中血海穴二七壯或三七壯立已 此藥乃從權衡之法用風勝濕為胃氣下陷而氣迫於下以救其血之暴崩也若病愈經血惡物已盡主病雖除後必須以黃芪甘草人參當歸之類數服以補之於補氣升陽湯中加和血藥是也若經血氣惡物下之不絕尤宜救其根源治其本經只益脾胃退心火之亢乃治其根蒂也若遇夏月白帶下脫漏不止宜用此湯一服立止

柴胡調經湯治經水不止鮮血項筋急惱痛脊骨強痛不思飲食

羌活

獨活

藁本

升麻各五分

蒼朮錢一 柴胡根分 葛根 當歸身

甘草各三分 紅花許小

右咬咀作一服水煎去查稍熱空心服微汗立止

一婦人經候黑血凝結成塊左廂有血痕水瀉不止穀食  
有時一化有時不化至今歲四月血塊暴下併水注俱作  
是前後二陰有形之血脫竭於下既久經候尤不調水瀉  
日見三兩行食罷心煩不快飲食減少甚至瘦弱東垣先  
生曰夫聖人治病必本四時升降浮沉之理權變之宜若  
不本四時以順為逆非其治也且治之之法必先歲氣無  
伐天和無盛盛無虛虛遺人天殃無致邪無失正絕人長  
命故聖人云陽盛陰虛下之則愈汗之則死陰盛陽虛汗  
之則愈下之則死大抵聖人立法各自有義且如升陽或  
發散之劑是助春夏之陽氣令其上升乃瀉秋冬收藏殞

殺寒涼之氣此病是也當用此法治之乃升降浮沉之  
理也夫天地之氣以升降浮沉乃從四時如治病逆之則  
殺人矣故經云順天者昌逆天者亡可不畏哉夫人之身  
亦有天地四時之氣不可止認在外人體亦同天地也今  
經漏不止是前陰之氣血已下脫矣水瀉又數年不愈是  
後陰之氣血又下陷矣後陰者主有形之物也前陰者精  
氣之門戶俱下竭是病人周身之氣常行秋冬之令陰主  
殺此等收藏之病是也陽生陰長春夏是也在人身之中  
令氣升浮者穀氣上行是也既病則周身血氣皆不生長  
穀氣又不升其飢肉消少是兩儀之氣俱將絕矣既下元  
二陰俱脫血氣消竭假令當日元是熱症今下焦久脫已  
化為寒矣此病久沉久降寒濕太勝當急救之瀉寒以熱  
降濕以燥大升大舉以助長生補養氣血不致偏枯聖人

立治之法云濕氣大勝以所勝治之助甲風木上升是也故經云風勝濕是以所勝平之也當調和胃氣次用白朮之類以燥其濕而滋元氣如其不止後用風藥以風勝濕此之謂也此藥便是大舉大升以助春夏二濕之久陷下之至治也又一本云此病次用四物隨濕症加減

**大**獨聖散治婦人血崩不止用防風去蘆不以多少為細末酒煮白麵清調下二錢空心食前日二服更以麩作糊酒投之極驗 治血崩夏枯草為細末每服二錢米飲調下無時服

**十**治崩中不止芎藭八兩清酒五升煎至二升半分三服不耐者徐徐進之義云芎不可久服令人暴死 右大舉大升之劑治崩脉沉弦而洪或沉細而數者皆胃氣下陷也或崩而又久瀉者亦胃氣下陷也

升之其病愈也

脾胃虛宜補宜升

**經**水漏不住有二補前人之闕 婦人脾胃虛損致命門脉沉細而數疾或沉弦而洪大力寸關脉亦然皆由脾胃有虧下陷於腎與相火相合濕熱下迫經漏不止其色紫黑如夏月腐肉之臭中有白帶者脉必弦細寒作於中有赤帶者其脉洪數病熱明矣必腰痛或臍下痛臨經欲行而先發寒熱往來兩脇急縮兼脾胃症出見或四肢困熱心煩悶不得眠卧心下急宜大補脾胃而升降氣血可一服而愈或先貴而後賤或先富而後貧病名脫營者心氣不足其火大熾旺於血脈之中又致脾胃飲食失節火乘其中形質肌肉頰唇不病者此心病也不形於脉故脾胃飲食不調其症顯矣而經水不時而下或適來適斷暴下不止治當先說惡死之言勸諭令惧死而心不動以

心虛宜勸戒

虛挾積滯者積中去積

大補血氣之藥補養脾胃微加鎮墜心火之藥治其心補陰瀉陽經自止矣痿論云悲哀太甚則胞絡絕胞絡絕則陽氣內動發則心下崩數度血也故經曰大經空虛發則肌痺傳為脈痿此之謂也

丁未年冬郭大方來說其妻經水暴崩不止先曾殞身失血自後一次經數日而來今次不止其人心窄性急多驚以予料之他日必因心氣不足飲食失節得之大方曰容到彼診得掌中寒脈沉細而緩間而沉數九竅微不利四肢無力上喘氣短促口鼻氣皆不調果有心氣不足飲食失節脾胃虛弱之證胃脘當心而痛左脇下急縮有積當臍有動氣腹中鳴下氣大便難諸虛證極多不能盡錄擬先治其本餘證可以皆去與安心定志鎮墜其驚調和脾胃大益元氣補其血脈養其心神以大熱之劑去其久寒凝在皮膚內少加生地黃去命門相火不令四肢痿弱黃

芪當歸人參湯

黃芪錢一 當歸半錢 人參錢一 陳皮五分

草薺七分 神麩半錢消食 黃連一錢鎮  
 杏仁九箇研 麻黃一錢閉汗 桂枝半錢必  
無代天 生地三分去腎火大夫 和也冬月相火之旺

右為粗末水三大盞先煮麻黃數沸去查入前藥同煎至一大盞於巳午之前食消盡服之其胃脘痛乃胃上有客寒與大熱藥草薺九一十五丸其痛立止再與肝之積藥除其積之根源而愈

右虛挾積滯而崩嘗治一老婦人血崩不止流流不絕滿牀皆血起牀不得者三月矣腹滿如孕予作虛挾痰積汚血治之用四物四兩參朮各一兩甘草半兩以治虛香附三兩半夏兩半茯苓陳皮枳實縮砂玄胡各一

兩以破痰積汚血分二十貼每貼煎乾加荷葉側柏葉湯再煎服之服盡良愈今再不發神效

**栢黃散**療經血不止

黃芩錢半 側柏葉 蒲黃各一兩 伏龍肝一兩

右咬咀用水二升煎取八合分為二服

又方治患崩中不止結作血片如雞肝色碎爛

芎藭十二分 阿膠 青竹茹各八分 續斷

地榆 小薊根各三分 當歸六分 生地

伏龍肝各十分

右用水九盞煮取三盞去渣分作三服

**治婦人血露**蚕砂一兩炒伏龍肝半兩阿膠一兩同為末

濕酒調空心二三錢以知為度散大無名無此

**羅伏龍肝散**治氣血勞傷衝任脈虛經云非時忽然崩下

或如豈汁或成血片或五色相雜或赤白相兼臍腹冷痛經久未止令人黃瘦口乾飲食減少四肢無力虛煩驚悸

伏龍肝一兩 甘草半兩 赤石脂一兩 芎藭三兩

肉桂兩 熟地二兩 當歸 乾姜各七錢半

艾葉二兩 麥門冬去心一兩

右件為粗末每服四錢水一椀水同煎

右四方伏龍肝例蓋燥可去濕也前二方去濕熱後二

方去寒濕按伏龍肝為止血之聖藥先賢治崩用旋覆

花半夏葶藶治膈間濕痰而崩止者亦是此意

**崩中**下血不止小腹痛

芍藥一兩 栢葉六兩 微炒丹溪云栢葉性多燥

右水一升煎取六合入酒五合煎取七合空心分為二

服一方為細末酒調二錢一方有鹿角膠等分酒調治

虛挾濕者伏龍肝燥之

虛勝者蓋之

白帶臍腹痛

壯礪散治月水不止眾藥不愈者壯礪火煨研細用醋調成丸再煨過通紅候冷研細出火毒却用醋調艾末熬成膏和丸如桐子大每服五十九醋艾湯下

陰虛陽搏謂之崩陰陽別論

涼血地黃湯治婦人血崩是腎水陰虛不能鎮守包絡相火故血走而崩也

生地兩半

黃連分三

黃柏分二

黃芩分一

羌活

柴胡

知母

升麻

川芎各二分

防風分二

藁本分二

甘草分一

紅花少許

歸身分五

細辛分一

荆芥穗

蔓荊子分一

右咬咀都作一服水三天盡煎至一盞去查稍熱服空

心足太陰脾之經中血海二穴在膝臏上內廉白肉際二寸中治女子漏中惡血月事不調逆氣腹脹其脈緩者是也灸三壯足少陰腎之經中陰谷二穴在膝內輔骨後大筋下小筋上按之應手屈膝取之治膝如錐不得屈伸舌縱涎流煩逆溺難少腹急引陰痛股內痛婦人漏下不止腹脹滿不得息小便黃如蠱女子如姪身可灸三壯

大小薊湯治崩漏不止色明如水得溫則煩悶者此陽傷於陰令人下血當補其陰脈數疾小者順大者逆

小薊莖葉研取汁一盞

生地黃汁一盞白朮半兩

右三件入水一盞煎至一半去查溫服

芎藭酒治崩中晝夜不止醫不能治

芎藭兩

生地汁一盞

右用酒五盞煮芎藭一盞去查下地黃汁再煎二三沸  
分為三服

治崩中去血不止

大小薊根兩白茅根兩

右二味細切用酒五升煮取四升去查分四服

漏下乃熱兼虛四物加黃連

金華散治血室有熱崩下不止服溫藥不效者

延胡索 瞿麥穗 當歸 乾姜

牡丹皮各一兩 石膏二兩 桂心別研為末

蒲黃兩 葶藶仙半錢

右為細末每服三錢水一盞半空心溫服日二

大治崩中下血黃芩不以多少為細末每服一錢燒秤錘

通赤投酒中令沸却用其酒調服許學士云崩中多用止

陰前所謂天暑地熱經水沸溢是也金華散亦妙

經水多去不能住以三補丸加莎根龜板金毛狗脊三

者苓連栢也

和孟官人母年五十餘血崩一載會用澤蘭丸黑神散

保安丸白薇散補之不效戴人見之曰天癸已盡本不當

下血蓋血得熱而流散非寒也夫女子血崩多因大悲哭

悲甚則肺葉布心系為之急血不禁而下崩內經曰陰虛

陽搏謂之崩陰脈不足陽脈有餘數則內崩血乃下流舉

世以虛損治之莫有知其非者可服大劑大劑者黃連解

毒湯是也次以香附二兩炒白芍藥二兩焙當歸二兩焙

三味同為細末水調下又服檳榔丸不旬日而安

丁香膠艾湯治崩漏不止蓋心氣不足勞役及飲食不

節所得經隔少時其脈兩尺俱弦緊而洪按之無力其證

脈弦無力臍下冷為寒

自覺臍下如水求厚衣被以禦其寒白帶白滑之物雖多  
間下如屋漏水下時有鮮血不多右尺脈時微洪屋漏水  
多暴下者是急弦脈為寒多而洪脈時見乃熱少合而言  
之急弦者北方寒水多也洪脈時出者命門包絡之火也  
黑物多赤物少合成屋漏水之狀也

川芎四分 歸身一錢二分 生艾葉一錢 阿膠六分另  
白芍三分 熟地三分以瀉 丁香四分

右為細末作一服水二盞煎至五沸去渣入膠艾再上  
火煎至一大盞空心宿食消盡帶熱服之三服效

治血崩

熟艾如雞子大 阿膠兩 乾姜一錢  
右粗末用水五盞先煎艾葉姜至二盞半入膠消溫分  
二服空心服

又方治崩中不止丁香二兩為細末用酒三升煮取一升  
空心頓服 必效方用丁香百顆酒煎服 又方益智炒  
為細末鹽米飲調下

血見黑則止

香礬散治血崩香附不以多少極酸醋浸一宿炒焦為  
灰存性每一兩入白礬末二錢米飲調服空心神妙一法  
用荷葉湯調尤妙

氣滯者行氣灰止之

用香附子去毛炒焦黑存性為細末用極熱酒調下二  
錢放溫服不過兩服立愈昏迷甚者三錢七如血山崩不  
止者亦能解之米飲調亦可許學士云治下血不止或成  
五色崩漏香附子是婦人仙藥也

婦人血崩不止用檳榔燒灰存性碾末以溫酒調下甚  
妙

血汚者行血灰

五靈脂散治婦人血山崩諸藥不止者五靈脂炒令烟

止之

盡為末每服一錢溫酒調下一法每服三錢水酒童便各半盞煎服名抽刀散  
琥珀散治崩暴下血

赤芍

香附子

枯荷葉

男子髮皂莢水洗

當歸

櫻櫚炒焦存性

烏紗帽是漆紗頭巾取陽氣先出故也

右等分除櫻櫚外其餘並用粗片新瓦上煨成黑灰存性三分為細末每服五錢空心童便調下如人行十里再一服七八服即止若產後血去多加米醋京墨麝香少許一法先以五積散加醋煎投一二服次服五靈脂散

療經血不止

婦人經血正淋漓

舊葦蓮蓬燒作灰

熱酒一盃調八字

自然安樂更無疑

術黃牛角鯁用尖燒為黑灰微存性治婦人血崩大便血及冷痢白痢

大治漏下不止者鹿角燒灰細研食前溫酒調下二錢

又方桃仁燒灰研細食前溫酒調下二錢 又方亂髮皂

角水洗淨燒為細末空心溫酒調下二錢

治血久崩夏枯草燒存性為末空心米飲調下此用灰

與前用草不同

大荆芥散治婦人崩中不止用好麻油點燈多着燈心就

上燒荆芥焦色為細末每服三錢童便調下

治婦人漏下血不絕槐花鵝不以多少燒作灰細研食

前溫酒調二錢七

治崩中不止不問年月遠近用槐耳燒作灰為末以

酒服方寸七

氣喘者  
升氣灰  
止之

血熱者  
涼血灰  
止之

寒者熱  
灰主之

**大神應散**治血崩不止桂心不以多少炒極焦存性為末  
每服一二錢米飲調下  
如聖散治血山崩

棕櫚

烏梅各一兩

乾姜

燒過存性

右為細末每服二錢烏梅酒調下空心食前服久患不  
過三服愈

治血崩屢効方

當歸

白芍

乾姜

棕櫚各等分

右各煨存性研為細末醋調以有節朱筋左攪四十九  
轉食前服

脫者澁  
灰止之

灰雜方

又方用棕櫚白礬煨為末酒調二錢服  
治暴崩下血百草霜二錢狗膽汁一處拌定分作二服當  
歸酒調下

又方京墨為末二錢七同燒露蜂房為末三指撮酒調服

**治血崩**用葫蘆去子穰實荆芥穗燒存性飲湯服

右二十一方皆燒灰黑藥經云北方黑色入通於腎皆  
通腎經之藥也夫血者心之色也血見黑即止者由腎  
水能制心火故也

運氣

運氣血崩皆屬風火經云少陽司天之政初之氣風勝乃  
搖候乃大溫其病血崩是也

雜方

**治崩不定**或淋淫經年者

白礬

汁一兩

沒藥

錢一

右件將白礬溶開成汁下餘藥細末一處攪勻就成丸

子如彈子大每用一九新綿裹定內陰中立效

**經血過多**不止并崩中心術三陰交行間各針

通理足小指上二寸刺

針灸

**桑**漏下不止心術攝 三陰交 太衝

**東**胞門不閉漏下惡血不禁 氣門在元傍三五寸

**集**血崩并漏下 中極補 子宮二寸 敗血不止 三

陰交 百勞 風門 中極 腎俞 膏盲 曲池 絕

**用**婦人不字陰暴出經水漏然谷主之 婦人漏血腹脹

滿不得息小便黃陰谷主之千金云漏血少腹痛脹 女

子血不通會陰主之 女子漏血太衝主之

**脈**問曰五崩何等類師曰白崩者形如涕赤崩者形如絲

黃崩者形如爛瓜青崩者形如藍色黑崩者形如衄血也

寸口脈弦而大弦則為滅大則為乾滅則為寒乾則為虛

寒虛相搏此名曰革婦人則半產漏下又見諸

**仲**寸口脈微而緩微者衛氣疎疎則其膚空緩者胃弱不

實則穀消而水化也穀入於胃脈道乃行水入於經其血

乃成榮盛則其膚必踈三焦絕經名曰血崩

**脈**診婦人漏血下赤白日下血數升脈急疾者死遲者生

診婦人漏下赤白不止脈小虛滑者生大緊實數者死

赤白帶

**大法**赤白帶羅先生法或十芫湯或神祐丸或玉燭散皆可

用之虛者不可峻攻實者可行 血虛加減四物湯 氣

虛以朮參陳皮間與之 赤屬血白屬氣主治燥濕為先

濕甚者固腸丸 相火動者諸藥中加炒黃柏 滑者

加龍骨赤石脂 滯者加葵花白者治白帶赤者治赤帶 性躁者加

黃連 寒月少加姜附臨機應變先須斷厚味

帶下與夢遺同法治之 肥人有帶多是濕痰用海石半

夏南星炒栢青黛蒼朮川芎 瘦人帶病少如有多是熱

帶下多 昇濕痰

用炒栝蛤粉滑石川芎青黛樗皮 帶漏俱是胃中痰積  
流下滲膀胱出於大腸小腸宜升提甚者上必用吐以提  
其氣下用二陳湯加白朮蒼朮仍用丸子  
治結痰白帶以小胃丹半錢半飽津液下數丸候鬱積行  
卻服補藥

白朮兩一 蒼朮兩半 紅白葵花半二錢  
白芍半七錢

右蒸餅為丸空心煎四物湯下廿丸

陶遵道外姑年七十形瘦善啖白帶食前姜湯吞大補丸  
五十九一二次午膳後及臨臥時各與小胃丹十五丸愈  
大乳香散治赤白帶下

草菓一箇去皮入射香一小塊用麩餅  
裹火炮焦黃留性取出和麩用之  
右為細末每服二錢陳皮飲調下重者三錢

服 帶下不止用椒目白芷 治白帶用椒目為末米飲調

濕熱者宜涼燥

樗皮丸治赤白帶有濕熱者  
芍藥五錢 良姜三錢 黃栢二錢各 椿根皮一兩  
右為末粥丸每服三五十九米飲空心吞下

赤白帶因濕熱勝而下者  
蒼朮兩一 白芍兩各一 枳殼三錢 椿根皮兩二  
乾姜兩三 地榆兩半 甘草三錢 滑石一兩  
右末粥丸米飲下

治帶下  
椿根皮兩二 神麩炒 麥皮麩炒 黃栢各一  
芍藥半一兩 滑石兩半 枳殼兩半 蒼朮兩一  
右為末糊丸桐子大每服五十九空心

固腸丸治濕氣下利大便血白帶去脾胃陳積之後用此以燥下濕亦不曾單用看病作湯使椿根皮為末粥糊為丸此藥性涼而燥須炒用一方加滑石一半

治白帶因七情所傷脈數者

黃連炒 側柏酒蒸 黃柏炒各半兩 香附醋炒  
白朮炒各一兩 白芷燒存性三錢 椿根皮炒二兩 白芍一兩  
木香三錢

右為末飯粥為丸米飲湯送下

右五方治帶椿皮例涼燥之劑濕熱盛者宜之後一方有黃連香附木香故可治七情所傷

滑脫者宜澁

大地榆膏治赤白帶下骨立者地榆一斤用水三升煎至一半去渣再煎如稠錫絞淨空心服三合日二服 治漏下五色地榆三兩剉用醋一升煮十餘沸去渣稍熱食前

服一合

治婦人赤白帶下三葉酸漿草陰乾為末空心溫酒下三錢七

真陰虛者補陰

白帶

白芍七錢半

乾姜炒二錢半

香附半兩

山茱萸

苦參

樗皮

貝母各半兩

右為末以酒糊為丸空心下

赤白帶

右三方治帶地榆例寒澁之劑亦濕熱盛而滑脫者宜之按三葉酸漿草葉細如萍叢生莖端有三葉俗又名布谷飯布谷者鳩也蓋鳩常食之故又名鳩漿草衍義

誤入苦蕒條即曰三葉酸漿草豈苦蕒即酸漿歟苦蕒有子大如金柑味酸可食故亦名酸漿非三葉也三葉酸漿小葉布地而生葉皆三瓣惟開黃花其莖葉皆酸者

龜板炙

枳子各二兩

黃柏炒一兩

龜板酒炙 黃柏炒 乾姜炒 枳子二錢

右酒糊為丸日二服每服七十九

又方治帶下脈數者

枸杞根一斤 生地五斤

右二味以水一斗煮取五升分三服

右三方治帶龜板黃柏地黃例腎水真陰虛者宜之

脾傳之腎病名曰疝瘕少腹寃熱而痛出白一名白蠱當

此之時可按可藥全文見診生死○王註云出白澀出白

液也蓋便濁白帶之類戴人云遺溺閉

瘕陰痿疝痺精滑白淫皆男子之疝也血涸不日月罷腰

膝上熱足蹇澀乾壅閉少腹有塊或定或移前陰突出後

陰痔核皆女子之疝也又云

女子不謂之疝而謂之瘕也

小腸移熱於大腸為伏瘕為沉全文見診

保赤者熱入小腸白者熱入大腸原其本皆濕熱結于脈

故津液涌溢是為赤白帶下本不病結緣五經脈虛結熱

屈滯于帶故女子臍下痛陰中綿綿而下也經曰任脈

病男子內結七疝女子帶下瘕聚王註云任脈自胞上過

帶脈貫於臍上故男子內結七疝女子帶下帶脈起于季

脇章門似束帶狀今濕熱寃結不散故為病也經曰脾傳

之腎名曰疝瘕小腸寃結而痛出白一名曰蠱所以為帶

下寃結也寃風也屈滯而病熱不散先以十棗湯下之後

服苦練丸大延胡散調下之熱去濕除病自愈矣十棗湯

苦練丸治婦人赤白帶

苦練碎酒 茴香炒 當歸

右等分為末酒糊為丸每服三五十九空心溫酒下如

腰腿疼四物湯四兩加羌活防風各一兩煎湯送下

治赤白帶下腰痛或少腹痛有熱者

少腹熱  
痛者為  
熱瘕

檉皮二兩

延胡索

桃仁

側柏葉

川練肉

茴香

當歸各半

香附錢

官桂

烏藥各三錢

麥皮炒一兩

右末酒糊為丸每服五六十九神效

少腹冷痛脈微為寒濕

治帶下并腸有敗膿淋露不已腥穢殊甚遂至臍腹更增冷痛此蓋敗膿血所致幸無已期須以此排膿白芷一兩單葉紅蜀葵根二兩白芍藥白礬各半兩礬燒枯另研餘為末同以蠟丸如桐子大空肚及飯前米飲下十九或十五丸候膿盡仍別以補藥佐之

固真丸治白帶不止臍下冷痛喜乾食惡湯飲者方見寒山

條帶

本治婦人赤白帶下

龍骨半斤

船上硫黃三錢

右為末每服半錢無灰酒調空心服一日三服不問遠年近日盡效

伏龍肝散治婦人赤白帶下久不瘥肌瘦瘁黃

棕櫚燒存性

伏龍肝

屋梁上塵懸長者炒烟盡出火毒

右等分研和入龍腦麝香各少許每服二錢酒調醋亦可患十年者半年可安有人經年崩漏不止諸藥不效脈濡微與此伏龍肝散兼白礬丸服之愈白礬丸用白礬四兩附子

二兩黃狗頭骨灰四兩為末

補經固真湯白文舉正室白帶常漏久矣諸藥不效診

得心包尺脈極微其白帶下流不止叔和脈經云崩中日久為白帶漏下多時骨水枯言崩中者始病血崩久則血少復亡其陽故白滑之物下流不止是本經血海將枯津液復亡枯乾不能滋養筋骨以本部行經為引用為使以

大辛甘油膩之藥潤其枯燥而益津液以大辛熱之氣味補其陽道生其血脈以苦寒之藥泄其肺而救上熱傷氣以人參補之以微苦溫之藥為佐而益元氣名曰補經固真湯

柴胡

甘草各一錢

乾姜細末二錢

橘皮不去白一錢

人參二錢

郁李仁一錢去皮尖

白葵花七朶去萼

生黃芩一錢細切另入

右件除黃芩外以水二大盞煎至一盞七分再入黃芩同煎至一盞去查空心無宿食熱服之候少時早饑壓之

調經補真湯冬後一月微有地泥水泮其白帶再來陰戶中寒一服立止大進飲食

麻黃半錢不去節

杏仁三箇

桂枝少許

甘草炙五分

良姜一錢

黃芪七分

人參

歸身

白朮各五分

蒼朮二分

澤瀉一錢

羌活四分

防風二錢

柴胡四分

獨活

藁本各二分

升麻根

黃芩各五分

乾姜二分

白葵花七朶去萼

右除黃芩麻黃外都為粗末先將二味水二盞煎麻黃一味令沸掠去沫入餘藥同煎至二盞又再入生黃芩煎至一盞去查稍熱服空心宿食消盡日高服之一時許可食早饑

寒帶雜方

治婦人月經不調每行數日不止兼有白帶漸漸瘦瘁飲食少味累年無子地黃丸

熟地兩

山茱萸

白蕪荑

乾姜

白芍微炒

代赭石醋碎各一兩

厚朴

白姜蚕

右細末煉蜜丸如桐子大每服四五十九空心酒下日  
三服此龐老方婦人有白帶是第一等病令人不產育  
宜急治之此扁鵲過邯鄲聞貴婦人所以專為帶下醫  
也

**桂附湯**治白帶腥臭多悲不樂大寒

肉桂錢一 附子錢三 黃柏 知母各五分

如少食常飽有時似腹脹加白芍藥半錢如不思飲食  
加五味子二十箇如煩惱面上麻木如虫行乃胃中元  
氣極虛加黃芪一錢人參七分炙甘草二分升麻半錢  
為粗末作一服水二盞煎至一盞法如常食遠熱服

**海香附六合湯**治赤白帶下方見婦人大法條即四物加茴香桂也

**大治赤白帶**下年月深久不瘥

白芍二兩 乾姜半兩

**坐藥龍鹽膏** 右各炒黃色同為末空心米飲調下二錢日二服

丁香半錢 全蝎五箇 木香半錢 良姜一錢

川烏頭半錢 枯礬半錢 龍骨 茴香

歸稍各二錢 玄胡五錢 炒黃鹽二錢 厚朴三錢

酒防已 紅荳 肉桂各二錢 木通一錢

右為末煉蜜丸如彈子大綿裹留絲在外納陰戶內  
又方勝陰丹為上藥力小再取三錢內加行性熱藥

三奈子 川烏 大椒各五分 柴胡

羌活各二錢 全蝎三箇 大蒜 破故紙與蒜同焙

白礬各二分 升麻二分 麝香少許 甘松三分

右為細末同前法用制

又方回陽丹

全蝎

升麻分二

草烏頭分三

水蛭分三

蜜虫翅足去

川烏分七

大椒分五

柴胡分七

大蒜

破故紙各二錢

三奈子

葶撥各五分

甘松分二

羌活分三

枯礬分五

炒黃鹽分一錢

之藥去之

右為極細末依前制如指尖大用綿裹納陰戶中覺臍

下暖為效

虛寒症

酒煮當歸九治癩疝白帶下症脚氣腰已下如在冰雪中以火焙炕重厚綿衣蓋上猶冷不任寒之極也面白如枯魚之象肌如刀削消瘦之速也小便不止與白帶長流而不禁固自不知覺面白目青藍如菜色目眈眈無所見身重如山行步歌側不能安地腿膝枯細大便秘結口不能

言無力之極食不下心下痞煩心懊懣不任其苦面停垢背惡寒小便遺而不知此上中下三陽真氣俱竭故噦嘔不止胃寒之極也其脈沉厥緊而澁按之空虛若脈洪大而澁按之無力猶為中寒之證况按之虛空者乎按之不鼓是為陰寒之極也其空虛乃氣血俱虛之極也

當歸兩一

茴香兩

黑附子七錢炮制去皮臍

良姜錢七

右四味剉如麻荳大以好酒一升半同煎煮至酒盡為

度炭火焙乾同為極細末入

炒黃鹽

丁香各半兩

全蝎錢三

柴胡錢二

升麻根

木香各一錢

苦練子

甘草各半錢炙

玄胡索錢四

右與前四味藥末同為細末酒煮麩糊為丸如桐子大

每服二十九空心宿食消盡淡醋湯下忌油膩冷物酒

當歸附子湯治臍下冷痛赤白帶下

柴胡分七 良姜 乾姜 附子各一錢

升麻分五 甘草分六 當歸錢二 蜀椒分五

炒黃鹽分三 黃柏分三

右件為粗末用五錢水二盞煎至一盞去查熱服為丸亦得

右炒鹽例東垣回陽丹註云必用炒黃鹽無則不效蓋

寒疝之要藥也

脫以固

固其丸治白帶久下不止臍腹冷痛其寒捫之如水陰中亦然自中溜火土壅視物眊眊無所見齒皆惡熱飲痛須得黃連末擦之其痛乃止惟喜乾食大惡湯飲此病皆寒

濕乘其胞內故喜乾而惡濕肝經陰火上溢走於標故上壅而目中溜火腎水侵肝而上溢故目中眊眊無所見齒惡熱飲者是少陽陽明經中伏火也當大瀉寒濕以丸藥治之故曰寒在下焦治主宜緩大忌湯散以酒制白石膏白龍骨以枯其濕以炮乾姜大辛熱瀉寒水以黃柏之大寒為因用又為鄉導治法云古者雖有重罪不絕人之後又為之伏其所主先其所因之意又瀉齒中惡熱飲也以柴胡為本經之使以芍藥半錢以導之又恐辛熱之藥太甚損其肝經故微瀉之以當歸身之辛溫大和其血脈此用藥之法備矣

白赤脂一錢燒赤水 乾姜炮四錢 黃柏酒洗五分

柴胡錢一 白龍骨二錢酒 白芍五分

當歸三錢酒洗

滑以潤  
燥

右為細末水養稀糊為丸如雞頭大每服三十九空心宿食消盡煎白沸湯放溫送下無令胃中停住待少時以早饑壓之是不令熱藥犯胃忌生冷硬物與酒濕麪

右石脂龍骨之澁以去脫蓋濕多滑脫者宜之

補真潤腸湯治白帶下陰戶中痛控心而急痛身黃皮緩身重如山陰中如水一名助陽湯

防風錢一

柴胡二分

良姜二錢

乾姜一錢

陳皮五分

白葵花七分

生黃芩五分

郁李仁

甘草各一錢

右為細末剉散只作一服水二盞煎至一盞去查熱服食前

右葵花郁李仁之滑以潤燥蓋枯涸滯着者宜之

丹摩腰丹治白帶腹痛方見腰痛門甚效

虛而有積者先攻後補

治帶下少腹寬結而痛者先以十棗湯下之次服苦練丸大玄胡散調之是先攻後補之法也

治結痰白帶先於半飢時以津下小胃丹十餘粒服至鬱積行却用白朮四物等藥補之亦先攻後補之藥也

脈微食少為虛宜補

胡安人白帶下月經甚多食少倦怠面黃經中如有血塊者有如筋膜者與參朮等補血氣調脾胃後諸症皆退惟帶未止以檇皮丸主之方見濕熱條

右法治帶下虛而有熱者若虛而有寒脈微面白不澤無力以言者東垣補經固真湯丁香膠艾湯香桂六合湯是也

脈滑大有方為實宜攻

頃頓丘一婦人病帶下連綿不絕白物或來已三載矣命予脈之診其兩手脈俱滑大而有力得六七至常上熱口乾眩暈時嘔酢水余知其實有寒痰在胸中以瓜蒂

散吐出冷痰二三升皆酢水也間如黃涎狀如爛膠次以漿粥養其胃氣又次用導水禹攻以瀉其下然後以淡劑滲泄之藥利其水道不數日而愈 息城李左衙之妻病白帶如水窈漏中綿綿不絕穢臭之氣不可近面黃食減已三年矣諸醫皆云積冷陽起石硫黃姜附之藥重重燥補污水轉多戴人斷之曰此帶濁水本熱乘太陽經其寒水不禁固故如此也夫水自高而趨下宜先絕其上源乃涌痰三二升次日下沃水斗餘行三遍汗出周身至明旦病人云汚已不下矣次用寒涼之劑服及半載產一男

下利夜熱腹滿為汚血 問曰婦人年五十所病下利數十日不止暮即發熱少腹裏急腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知之其證唇口乾燥故知之當以溫經湯主之

吳茱萸三兩 當歸 芍藥

人參 桂枝 阿膠 牡丹心去

生姜 甘草各二兩 半夏半升 麥門冬一升

右十二味以水一斗煮取三升分溫三服 亦主婦人

少腹寒久不受胎兼取崩中去血或月水來過多及至

期不來

丹赤白帶用五靈脂半生半熟為末酒調服

**大治白帶下**

茅花一握 炒 棕櫚灰三 嫩蓮葉三 甘草節一錢

右為細末空心酒方寸匕

益母散治帶下赤白惡露下不止益母草開花時採搗為

細末空心溫酒二錢日三服 香礬散神效 方見崩中血見黑止條

即醋炒香附灰也

雜方

赤白帶皆屬於血有出於大小腸之分黃荊子炒焦為末米飲調服

又方治白帶用白芷以石灰炒去皮茜草少許粥糊丸服

白芷散治赤白帶下

白芷兩

海螵蛸二箇

胎髮一團

右為細末空心溫酒調下二錢

山治赤白帶下舊蓮房為末入麝香空心米飲下

大治帶下用芍藥炒黑為末每服三錢七調酒下

丹赤白帶用生狗頭骨燒灰存性酒調服或入藥服

千治帶下溫水和服雲母末三方寸七立見神效

針灸

崔氏四花穴治赤白帶如神取穴法見勞瘵門

玉赤白帶

中極 瀉白補赤

白環俞一十半瀉六

撮又法

中極 白環俞各五

腎俞二十半瀉六

集又法

氣海

中極

白環俞不效取後穴

三陽交瀉少

壯灸七

東又法

榮池

三分灸三十壯在內踝前後兩邊池中脈一名陰陽穴

又法 陰

陽表

在足拇指下屈裏是也

又法

三陰交五分

交儀二十

漏陰

在內踝下五分微有動脈是也

桑赤帶

心術如蠶亦用此法

氣海六分

中極

委中各五分

分白帶

漸如蠶亦用此法

曲骨

承陰各七分

中

極在兩傍注

婦人得子多變成白水淋漓而下經久身面虛腫

陰谷

二寸

絕骨

二寸

如喘滿

魚際透

大淵左右共四十九

呼治肺經水氣極妙

海帶病太陰主之灸章門穴麥粒大各三壯効

用婦人下赤白沃後陰中乾痛惡合陰陽少腹臍堅小便

閉曲骨主之 女子赤白帶腰膈主之 女子赤淫大赫  
 主之 女子絕子陰挺出不禁白瀝上竅主之 女子赤  
 白瀝心下積脹次竅主之 女子赤淫時白氣癰月事少  
 中竅主之 女子下蒼汁不禁赤瀝陰中痒痛引少腹控  
 眇不可俛仰下竅主之 女子疝少腹腫赤白淫時多時  
 少蠡溝主之 月事不利見赤白而有身及前陰寒行間  
 主之 女子疝及少腹腫溇泄癰遺溺陰痛面塵黑目下  
 皆痛太衝主之 女子俠臍疝中封主之 女子疝瘕按  
 之如以湯沃兩股中小腹腫陰挺出痛經水來下陰中腫  
 或癢瀉清汁若葵莢血閉曲泉主之 婦人下赤白裏急  
 瘕瘕五樞主之

診

腎脈小急肝脈小急心脈小急不鼓皆為瘕大奇論云小急為寒甚不鼓則血不流血不流而寒薄故血內凝而為瘕也

三陽急為瘕三陰急為疝王註云太陽受寒血聚為瘕太陰受寒氣聚為疝脈急

者曰疝瘕少腹痛平人氣象論

脈師曰婦人帶下六極之病脈浮則為腸鳴腹滿緊則為腹中痛數則為陰中癢痛則生瘡弦則陰疼掣痛 婦人帶下脈浮惡寒者不治

胎前白帶

有孕白帶

蒼木錢三

白芷錢二

黃連錢半

黃芩錢二

黃柏錢半

白芍錢二

樗根皮錢半

山茱萸錢半

右為末糊丸空心温酒下五十九



